


姚文敏公遺稿

附录



姚文敏公遺稿

附錄

(一)

姚 夔 著
張 元 校 正

本館據漸西村舍
叢刊本排印初編
各叢書僅有此本

姚文敏公遺稿

少保姚文敏公文集序

少保姚文敏公既卒葬之明年。其仲子中書舍人璽。執其遺文若干卷。過予請曰。先君積學勵行。歷典清要者數十年。今其已矣。而精神心術之微。幸脫煨燼而未泯者。惟此二三冊爾。璽父子荷先生知愛之深。寧無一言之惠以增重之。而使傳聞於後乎。予因三復之。而爲之嘆曰。公以清純溫雅之資。廣大弘深之量。高明該博之學。少有大名。歷躋通顯。典司封駁。掌邦禮。位冢宰。務持大體。不事末節。以古人自期。故其芳聲偉績。見於朝廷。施於天下。而戴之人心者。洋洋乎民。到于今稱之而不忘也。然公之於文也。以理勝爲主。而恥事彫琢。每建大議。決大政。意到落筆。萬言立就。酌古準今。曲盡事變。而無遺情。浩浩乎如長江大河。一瀉千里。而不能窮其源也。巍巍乎如泰山丘嶽。吞吐元化。而不能尋其根也。至於騰蛟龍。起雲霧。霈甘霖。以潤澤天下之枯槁者。雖愚夫愚婦。亦皆知其功力之廣大。而感戴之無已也。豈若彼淺丈夫者。學無所本。用違其志。忘己徇人。徒取聲譽於一時。而無實德於民者之可倫耶。且公之在朝。受列聖之知。而久於其位。文章政事。爲時首稱。載之史冊。銘之鼎彝。如精金白璧。世所共寶。奚俟乎茲集之成。而後傳。抑奚待乎予言之贅。而後人知所重哉。雖然。繼承前休。以圖不朽者。子孫之責也。幸力成之。毋怠毋忽。時成化十九年歲次癸卯春三月望。光祿大夫柱國。太子太傅。吏部尙書。兼華蓋殿大學士。知制誥。經筵官。眉山萬安書。

少保姚文敏公遺集序

文章政事。心之跡也。心之所存。悉於是而見之。故其行之當時。遺之後世。卽其事。聞其言。是非之公。天理民彝之常之不可泯者。其邪正隆汙。昭如日星。孰能得而掩其毫釐哉。然而文與事同道。窮與達異趣。達於政者。或不及於文。富於文者。或未施於政。窮達之趣異。而所當之事殊。故不得而兼全也。使或政施於當時。而一世膏沐之言。傳於後世。而來學景仰之。非德隆道尊。心純識正。醞英華清淑之氣於太和元氣之間者。孰得而幸致之哉。少保吏部尙書姚文敏公。其人也。公少有大志。以春秋三傳發解南省。俱爲第一。而天下以經義游藝場屋者。咸宗法之。後入諫垣。屢陳大議。從容雅重。不事浮靡。時以公輔屬望焉。繼而典邦禮。總百官。表儀凝重。德量宏深。謀謨警敏。卓卓乎一代之名輔也。奈何天不佑德。老成云亡。而轉頭萬事陳迹矣。其仲子中書舍人璽。以其遺文數冊。因間請予序之。予素荷公不鄙。久辱知愛。安敢以荒蕪辭哉。因三復讀之。而謂之曰。公其偉丈夫哉。文章政事。自其心之所形見者。何其若是之兼全耶。語其才。如河流滂沛。不待疏決而自無壅滯也。語其達。如庖丁解牛。不待鼓刀而自得其肯綮也。溫潤者如玉之產於藍田。明潔者如珠之孕於合浦。春容典重。又如金鐘大鏞之在東序。動中律呂。而不可以淫哇之聲亂之也。其視彼小小者。挾聰明之資。竊取糟粕。牽聯組織。以耀塵俗。而襲聲譽於朝夕者。奚啻天淵乎。宜其言之必傳也。謹識此以歸之。是集舊名藝藁堆稿。累厄於火。而所存百十耳。因易今名云。弘治三年。

庚戌歲夏四月既望。榮祿大夫、太子太保禮部尚書、兼文淵閣大學士、知制誥、國史副總裁、經筵官、瓊臺
丘濬書。

（此處文字極其模糊，僅能辨認出部分詞句，如“文淵閣大學士”、“知制誥”等，其餘多為難以辨認的墨迹。）

〔以上闕〕樂爲之用者衆。推誠愛物。而陰被其澤者多。故三十餘年。天下望其風裁。而瘡痍賴其撫摩。宜乎生榮死哀。而蒙褒贈之恩波也。嗚呼。嶷嶷遺像。生氣不磨。百世而下。孰不景仰其德業。如宋之李沆。漢之蕭何也耶。正議大夫資治尹大理寺廬陵王槩贊。

冢宰姚公像贊

正統戊午冬。先侍郎府君自泉入覲。旻侍行。初識公於桐江。公時還自解闈。如寶劍發硎。凜不可犯也。旻而公魁闈。取高第。拜官侍近。旻亦叨祿仕。始獲從公之後。數年來。公位望日尊。出入兩京。自大宗伯而太正天卿之位。以迄于今茲。蓋日相聚處。教益多矣。間獲見公小像。乃述公爲人之大。都寓瞻敬之意。而謂之贊。其辭曰。宏遠規模。汪洋度量。學貫天人。位隆卿相。人物權衡。生民倚仗。翊我皇明。天年有象。正議大夫資治尹吏部左侍郎濟南尹旻拜手。

又

此吏部尙書嚴郡姚公也。高爽而整密。直亮而優宏。學邃六經之旨。文兼諸子之雄。叶發路賢科。蚤屢魁乎多士。蜚英侍中。迺超乎秋卿。名愈重而謙。撫自若。官愈進而憂。惕與并。三爲禮部。再長銓衡。懇懇格心之疏。顯顯閱下之誠。擇小大於衆論。別珥璫於至明。其定力之堅。足以扛九鼎。其字量之大。可以納重溟。此列聖人信任而弗二。而士大夫倚賴之匪輕。清廟玉瓊。福祿足膺。皇明柱石。永荷隆平。通議大夫吏部右侍郎吳郡葉盛拜贊。

贈少保諡文敏姚公像贊

蘊乎中、春融而秋肅。形諸外、義斷而仁施。其後掇巍科也。策天人於一致。其裕丞帝載也。成歲功於四時。以知夫祿與位。不足爲公重。而休聲令譽。昭竹帛而永垂者。是則公之所遺。凜此像以麟遊鳳儀。我思古人。豈但於鄉邦之幸見。而所最幸者。於清朝冢宰而見之。此其所以來三公之寵光。贈加文敏之懿諡。而龍光昭燭於浙沔之湄也。都察院右副都御史。同年胡拱辰拜手。

文敏公像贊

儼乎衣冠。肅乎儀形。其未達也。暮史朝經。其既達也。身踐力行。薦躋華要。任重阿衡。筌筴治道。紛綿太平。海嶽以奠。宗社以寧。允矣君子。展也大成。戶部左侍郎。年弟莆田翁世資贊。

又

儼其容如山之凝。溫其顏如日之升。其才足以周世用。而學爲之輔。其德足以稱民表。而量益以宏。是宜魁選于賢科。獻納于王庭。寅清以典禮。宜亮以持衡。聳百僚之具瞻。荷列聖之寵榮。若夫揮洒篇章。而天葩爛發。笑談尊俎。而逸氣橫生。又其稟賦之秀。與日星而爭耀。共風霆以流形者。千載而下。抑孰得掩其精英也耶。通議大夫禮部左侍郎。博陵劉吉謹贊。

又

溫恭德容。濟楚深衣。學識遠大。踐履光輝。任宗伯。寅清典禮。接武夔夷。居大冢宰。阿衡佐治。追蹤傅伊。此

乾坤間氣之鍾秀。爲承平廟堂之百揆者也。通奉大夫浙江左布政使。年未侍生建安劉福贊。

又

此吏部尙書贈少保謚文敏姚公之遺像也。有如是凝遠之風度。有如是尊嚴之氣象。有如是開闊之心胸。有如是卓偉之聞望。彼哉何人。尙咕咕然以動其喙。多見其不知量也。噫。不有君子。其何能國。君子之所爲。固衆人之所不識。翰林院學士瓊山丘濬贊。

又

德望文章。士林魁首也。訐謨功業。儒臣領袖也。後學仰瞻。泰山北斗也。舉朝悲悼。梁摧棟仆也。嗟夫。孰儲其禎。光嶽之精。孰奪其齡。順受之貞。見知聖主。終始哀榮。九原不作。國無倚衡。資政大夫都察院左都御史嘉興項忠贊。

姚文敏公遺稿目錄

卷之一

五言古詩

送提學嚴御史四首

送芮都憲得翦字

送韓都憲永熙出大同

送蕭尙書南還

送鄭太僕考績還任

送趙德懋南歸

送濮教諭之歙學

送楊司訓之興化

送熊驛丞之新安

送嚴寧

贈司馬黃門父還會稽

贈周憲使致政還臨海

贈莫子長先生赴荻河

贈都舍還播

贈程長官還播

贈項司庾

古體贈孟都憲

題扇贈王都

題扇與孫玉麟

題孝子廬墓卷

題順孫廬墓卷

題竹

日耕卷爲劉居士題

具慶堂爲莫生賦

敬慎軒爲李知縣賦

書楊編修賓筵留詠卷

永寧留寄干太守

簡牕友

秋官周亞卿病暑以詩問之

伏末苦熱得雨喜甚有作

京華同年會分得叻字

自武昌追李都憲

夜宿公館有懷參政

宿天津埠

夢先外母如平生因感而作

齋所夢元器

挽陳都御史

挽年尙書

挽高僉事

挽馬侍郎母

挽陳員外父松雲翁 以下原闕

挽劉通政二親

挽左繡衣二親

挽劉華英母

挽林二尹夫婦

挽徐氏夫婦

偶口

卷之二

七言古詩

送孔大尹之桃源

送胡參政之任西川

送李尙書父還南陽

送陳少卿致仕還鄉居西湖

送吳伯彰歸桐廬

送危典史致仕還鄉

送鄭教諭之休寧

送王資用赴臨江通判

送曹侍御致仕南還

送夏大理歸省

贈兄耕樂先生南歸

贈王先生致政南還

贈王都憲公度

贈姪珮

勉思行爲吳春秀才贈

翁順堂詩爲劉錄事贈

題梅鵲

題金教授先墨卷

題皇華秋景圖

卷之三

五言律詩

小孤

下峽二首

寄聽竹先生二首

哭英廟九首

挽太常蔣尙書

五言排律

賀登極

送劉黃門之南京

題藍溪港

題潘節推隆恩堂

先妣夫人忌辰

挽安國恭憲公

挽薩侍郎同僚

卷之四

七言律詩

夜泊荻港

過廬阜二首

自武昌追李都憲

過巴陵

過桃源遇雨憶商學士

過平越方經苗賊有感

過雞公關索二嶺

過安籠箐

老鴉關

過七星關

遇赤岡有懷

畢節遇風雨雪漫賦

十七日早發松林驛自賦

忠州弔陸宣公墓

南陀晚晴

荊州寄沔陽林學正

荊州觀李都堂詩和寄

夢感

書忠義事

過君山

丁丑正月十七日迎駕

感懷初八宿張家灣

東光有感

與蕭都憲同發張家灣船不及以詩追之

望德州

過故城卽事

中秋夜招周秋官小飲

憩宿大勝寺會諸同年

用前韻酬張同寅

近冬喜雪

冬至日恭遇萬壽聖節朝罷有喜而作

珠溪佳趣

送內弟王仲啓

送鄒亞卿歸省

送劉憲副

送王留守之鳳陽

送尙寶蹇公致政回鄉

送徐憲副之廣東

送進士張翥歸蘇

送劉光祿展省南歸

送劉太守致仕還南

送沈憲副之浙江

送鄭侍御巡按江西

送王選夫赴廣西戎幕

送人教諭南陽

送張參政還山東

送吳秋官考績還任

送南監先生

送劉淵明教授開封

送楊憲副之廣東

送都綱一元還姑蘇

送洪綉衣

送何黃門歸省

送南京儀曹李郎中之任

送鄭司訓之鉛山

送劉盡心南歸

送江贊禮歸南京

送人赴河陰典史

送宋宗魯江西僉憲

送金太守致仕還鄉

送陳教諭之長洲學

送嚴州方醫官

送臥雪處士南歸三首

送人官大理府

送徐太守之臨洮

贈樊參政之河南

贈徐侍御巡按廣東

贈姚助教考績還南京

贈徐明德僉憲江西

贈人致仕歸杭

贈梁侍御便道歸省

贈吳給事歸省

寄諸生

寄林先生培之

寄納言布政

寄贈咸寧唐大尹

送俞少傅養病歸

奉寄叔父寧津公

寓東朝房寄憶納言

和錢學士韻

和楊內翰詩韻

和納言布政見寄韻

壽楊尙寶母夫人

壽黃亞卿母八袞

題紅梅寄新安汪老人

先人大痛日有感

酬高太博

疾嗽百日有感而作

敏孫勸予復進藥因諭以平生事

病起

挽趙秋官二親

挽吳都御史母

挽聶大年先生

挽都憲鄭父

挽李通政

挽蕭員外父雲山先生

挽定西侯

挽張御史父

挽劉侍郎母夫人

挽龔御史父

挽孔刑侍

挽洪職方父

挽施尙書

挽耿尙書

挽高學士尙書

挽張侍郎母

挽吳黃門祖父母

挽柯學士父

挽劉憲使父梅莊處士

挽人父

挽芝軒

挽人母

挽人詩

節婦

卷之五

七言絕句

恩榮十詠

蘇李泣別圖

奉教戒再吟一首以樂老母之心

題紅梅寄臥雪翁

食九弟所寄潮魚詩以謝之

百日哭女淑卿

送袁學正之廣德

送友人之官

寄南京李通政

己卯人日穀日

謝納言寄羔裘并致懷

題扇

寄芮都憲防邊有績

會同年于宋給事宅

題雪坡二絕

新正夜與吳姐夫對酌有感

勉袁生

題竹

題竹畫二首

寄憶

張飛廟

高塘驛

過忠州捐廩米一石興先賢祠二首

人有求爲吳泰伯後者弗諧

送王生文冕赴浙江鄉試

六月二十一日雲布不雨

卷之六

序

送唐大尹致政還桐廬序

送呂進士任進賢序

送戶部尙書張公致政還鄉序

送南京禮部尙書鄒公之任序

贈莫同知之重慶序

贈司訓王君之桐廬序

贈林大尹之任鹽山序

贈德州袁學正克和之任序

賀翰林商編脩榮任序

慶趙上舍母六句詩序

慶俞母壽八句詩序

慶王仲啟壽五句詩序

慶盧安人六句序

慶申屠孟吉甫八句詩序

梅愛處士十詠序

四明月湖陸氏宗譜序

劉文介公文集序

脩撰王惟臣父挽詩序

郝淑人李氏挽詩序

卷之七

記

崇古堂記

姚文敏公遺稿

目錄

潤遠堂記

雲間第一橋記

梅坡記

臥雪庵記

留耕記

耕雲記

大樹記

姚氏二親墓記

敕建誠意伯祠堂記

山水圖記

洛陽思親亭記

觀稼臺記

梅坡記

雲泉庵記

孝友堂記

損菴記

卷之八

碑

追封慶雲侯周公神道碑

傳

半隱生傳

桑哇生傳

桐西居士傳

居易道人傳

擔骸傳

訂疑

坤德傳

贊

鄉貢進士徐君用韜像贊并序

解

均才解

題跋

書陳祭酒贈楊編修文後

題櫻寧生傳

商氏家藏公據跋

雜著

錄囚記

卷之九

行狀

故太子太保吏部尙書忠肅王公行狀

墓誌

故禮部尙書太保忠安胡公墓誌銘

故重齋劉君墓誌銘

故京兆尹王公墓誌銘

故友松處士墓誌銘

故王處士李安人墓誌銘

故耕樂處士姚公墓碣銘

故梅坡趙處士墓碣銘

故雙玉墓碣銘

墓表

故副都御史王公墓表

故刑科給事中鮑君衣冠墓表

故處士徐君墓表

卷之十

奏議

一爲陵廟事

一爲陵廟事

一爲陵廟事

一爲尊諡事

一爲尊諡事

- 一爲尊諡事
- 一爲尊諡事
- 一爲申明禮儀事
- 一爲冊立大禮事
- 一爲冊立大禮事
- 一爲冊立大禮事
- 一爲冊立大禮事
- 一爲禮儀事
- 一爲慶祥禮儀事
- 一爲弭災脩德事
- 一爲陳言事
- 一爲陳情乞恩憐憫事
- 一爲脩完廟宇事
- 一爲崇祀先賢事
- 一爲乞恩等事
- 一爲公務事

- 一爲陳言崇儒事
- 一爲褒崇正學事
- 一爲建言民情等事
- 一爲表勵忠賢事
- 一爲封諡事
- 一爲詳議從祀事
- 一爲公務事
- 一爲敬神恤民事
- 一爲處置地方事
- 一爲脩省事
- 一爲夷情事
- 一爲夷情事
- 一爲夷情事
- 一爲地方事
- 一爲邊務事

- 一爲聲息等事
- 一爲捷音事
- 一爲夷人抗拒違法等事
- 一爲進鷹事
- 一爲缺少通事事
- 一爲災異事
- 一爲災異事
- 一爲地震事
- 一爲陳言興利除害事
- 一爲進貢事
- 一爲禁約番僧事
- 一爲禁約番僧事
- 一爲乞恩致仕事
- 一爲陳情致仕事

一爲乞恩祭祖事

一爲回話事

一爲乞恩憐憫事

附錄

故少保姚文敏公墓誌銘

故少保姚文敏公神道碑

故姚文敏公夫人王氏墓誌銘

姚文敏公遺稿

目錄

姚文敏公遺稿卷之一

南京翰林院學士張士禎校正
工部主事男璽刊

五言古詩

送提督學校嚴御史宗淵四首并序

提督官無負於學校也久矣。然而事不由古，以克成治。匪所攸聞。提督之設，蓋欲以古爲教耳。故於侍御君行，作此以告之。

鴻濛日以離，混沌分清濁。陰陽煽巨爐，萬象歸橐籥。人於物至靈，五性渾不鑿。柰何總蚩蚩，禽獸無毫髮。孰知羣比中，而有聖者作。玄黃藉財成，造化資旋斡。大道乃攸歸，元元斯有託。慨仰羲軒翁，萬古宗道學。三皇杳莫企，五帝繼以徂。姬公位元宰，禮樂陶輿圖。柰何東遷後，大道復榛蕪。尼丘忽降神，光啓九聖途。駕車任所適，不爲它歧虞。乾坤泄幽祕，人物賴匡扶。六籍肆刪述，萬世陳楷模。大哉素王聖，天地不能渝。鄒魯風漸邈，漢唐儒靡馨。訓詁日以鑿，壽張徒自徇。元氣爲斲喪，正學幾沈淪。五星肇文運，宋室開昌辰。濂洛紬其緒，關閩釋其綸。淵源有餘味，並得洙泗真。蛙鳴及蟬噪，一掃無遺音。上以繼往聖，下以啓後人。皇明御昌圖，撫運幾百年。東漸暨西被，聲教覃八埏。淳風正穆穆，大道何平平。斯文不在地，日月當中天。庠序敦教化，科目羅英賢。周孔道以闡，程朱學攸傳。稷契具廊廟，伊傅相後先。豈云駕唐宋，邈矣追羲軒。

送芮都憲得剪字

毋謂儒無益。匪儒道罔闡。古今儒者事。歷歷皆可驗。伊傅任阿衡。周召分兩陝。諸葛起臥龍。班超事筆硯。裴公下蔡城。陸九復唐輦。卓哉韓與范。功業尤健羨。於惟聖天子。神武肅乾斷。四夷悉來王。萬姓咸忻忭。居安不忘危。念慮勤宵旰。睠彼西域土。密邇犬羊圈。孰爲吾長城。孰爲吾蔽扞。豈不富甲兵。豈不雄武弁。要使威德孚。寶馬來大宛。匪資儒者儔。所圖良靡遠。簡爾英偉才。惠茲心膂眷。洪猷自方伯。顯擢宜都憲。秉鉞出東華。分闡入西甸。馬識舊遊路。人訝新來篆。旗鼓肅轅門。號令歸指點。軍威震萬里。虜勢不足剪。乃知穹壤閒。儒道終弗忝。

送韓都憲永熙出大同

白雪舞郊關。黃河冰正合。胡馬鳴蕭騷。腥風蕩沙磧。昨聞代朔閒。潢池無限隔。守帥擁精兵。囊弓閉重壁。千里飛烟塵。四野無草色。人逐牛羊羣。並驅豺豕窟。事聞震天威。命將分投出。急擊雷電轟。狂虜奔褫魄。顧惟雲中區。穹廬尤咫尺。軍雄壓邊疆。城壯憑京國。匪資文武材。何以主籌畫。韓公負奇骨。才器疇能匹。都臺飽風霜。中外多馭歷。胸藏百萬甲。變化不可測。簡命自九重。爰寄北門責。左手捧黃麻。右手秉白鉞。匹馬出居庸。威風何凜烈。古來馭夷狄。任謀不任力。內固斯外攘。將和能制敵。同舟思共濟。推車主轉轍。坐致天驕徒。納款轅門側。公我同年客。萬里從茲涉。杯酒奚足勸。相期在功業。成功告天子。天顏應喜悅。形貌圖丹青。姓名書竹帛。所以馬伏波。死欲裹馬革。所以班定遠。投筆開西域。卓哉大丈夫。千載氣猶熱。

持以贈公行。勉旃企前哲。

送蕭尚書南還

願種千株柳。柳絲滿都門。公欲南歸時。綰馬不可行。願鑿百丈河。河流日湯湯。公欲南歸時。駐車不可航。柳絲空自長。河流空自深。南歸竟莫留。爲別一傷心。傷心如之何。匪云昵私親。下以爲萬氓。上以爲一人。

送鄭太僕考績還任

高皇定大業。放馬滁山陽。滁陽地夷曠。水甘苜蓿香。置官列九御。馭牧非尋常。法嚴政復舉。種盛孳亦良。五雲屯郊原。萬騎奔龍驤。于今百年閒。漸乃成弛張。俵烙多驚駘。蓄字乏驪黃。豈云科條乖。誠亦典守荒。卓哉鄭夫子。磊落富文章。十載少太僕。騏驥昭星房。抱績奏承明。荷恩歸建康。敬之懋厥職。佇見超巖廊。

送趙德懋南歸

挺挺喬林秀。燁燁丹穴雛。器宇曠磊落。文采饒江湖。世家百年遠。積慶何紆紆。懷哉梅坡翁。幸有茲名駒。竭來奉女兒。千里勞馳驅。去年翁訃聞。女兒長號呼。江河雖阻修。履險如坦途。祇知痛其父。那復計厥軀。到家撫靈柩。抱母聲嗚嗚。姊孝弟克恭。往來恆相扶。試觀鵲鴿原。急難在須臾。弟今別歸去。喪葬良用圖。送終最大事。勿使纖毫逾。吾觀趙德懋。啓我長歎吁。失怙不可復。持躬罔自迂。仁義敦懿訓。禮讓遵聖謨。曾聞古人言。樹德莫如茲。諄諄苦勿厭。收之在桑榆。

送濮教諭之歙學

梧桐生高岡。鳳皇鳴朝陽。嘉時兆文明。熙世協禎祥。九州造俊士。千里觀國光。楚楚故家子。奕奕喬木芳。結髮遊黌宮。黽勉圖自強。竭來謁楓宸。再試金鑾傍。振藻煥霞彩。吐葩發天香。拜官新安郡。鳴鐸朱子鄉。絳帳開春風。皋比擁鱣堂。月杏橫經席。雨芹潤書絀。道義倡羣彥。濟濟遵周行。作成棖與桷。徐收棟與梁。慎哉固明德。尊嚴師道昌。

送楊司訓之興化

先師楊夫子。道德富文章。金榜芳名顯。瓊林醉墨香。冲然澹勢利。懇乞居宗黌。束書桐廬來。鐸聲何奮揚。朝經暮講史。孜孜食不遑。尊嚴若神明。言動由綱常。三歲教有成。青衿滿文場。九載化乃浹。遺澤尤芬芳。小者爲棖桷。大者作棟梁。仰憶講下時。垂髫昧知方。拔羣親指授。鞭辟歸周行。于今鬢髮白。夢寐猶驚惶。竊祿懷深恩。忽覩鳳毛翔。輝輝文彩昭。雍雍禮樂將。抱藝試楓宸。拜官訓莆陽。箕裘尙克紹。矩範諒毋忘。數學古云半。忠信以明章。勿謂毛氊薄。萬里從茲張。

送熊驛丞之新安

我家兩雛兒。五歲能誦詩。弄筆翻墨雅。塗案走烏螭。惠然熊子來。禮致賓齋西。晨夕幸相託。動止斯有儀。于今二三年。讀書聲吾伊。方將就規矩。出入敦秉彝。柰何別我去。之官向下邳。人言此地薄。要衝艱支持。予喜子壯茂。精神諒有爲。錯盤別器利。冗劇見才奇。良馬輓鹽車。喘息當路岐。往來盛冠蓋。豈無孫陽知。盍亦竭爾力。毋論瘠與肥。嗤彼桃李花。委謝東風枝。矯哉松柏姿。霜雪非所欺。丈夫貴立志。去去姑安時。

送嚴寧

碧梧生高岡。燁燁光陸離。翠竹產淇園。猗猗色紛披。偉有君平孫。秀發鍾天奇。昂然鸞鵠峙。宛若珊瑚枝。讀書窮造詣。過庭聞禮詩。賓館銀臺公。冰玉相交輝。予聞螺贏生。聲喚形卽隨。矧茲骨肉親。恩愛那可虧。孝敬務勤至。勿爲勞苦辭。行誼日以敦。問學靡有遺。會當際風雲。奮揚須及時。古人貴贈言。言貴有所規。

贈司馬黃門父還會稽

宋室有大儒。溫國司馬氏。道學溯羲黃。勳業槩天地。爰自南渡初。從官家越會。于今五百年。瓜瓞十一世。積厚發必揚。翁也承厥系。書香紹芳躅。懿轍印前軌。教子致顯融。金籍通姓字。聖朝勵孝忠。恩推子之貴。竭來覲耿光。家聲徹當宁。慨念涑水墳。翹首遠莫致。賢郎奉皇華。祇命展常事。歸期告禮成。重沐天顏喜。政茲歡會隆。倏焉懷故里。清晨發都亭。薄暮遵潞渚。秋風速歸帆。望望浙東去。白髮烏紗新。酡顏錦袍麗。衣冠疑受廣。杖履肖園綺。潤澤蔭松菊。餘光襲桑梓。娉娉白社朋。徘徊綠野墅。鏡湖時濯纓。蘭亭恣修禊。興掉戴家船。閒登謝公屐。悠悠娛歲華。擊壤歌旣醉。與翁同鄉邦。欲贈良無似。遲菊把東籬。新醅出燕市。臨行爲翁觴。祝翁多壽祉。

贈周憲使致政還臨海

堂堂周大夫。持憲肅全蜀。德化洽岷嶓。風聲被天竺。官循吏知檢。寇靖民安俗。政蹟超往昔。名譽邁高躅。竭來效臣恭。述職朝輦轂。考方事無虞。奏書功可錄。宦遊三十年。報國心罔足。翻然動歸興。勇退非局促。

放情五湖遊。脫屣千鍾祿。赤城古佳致。奚事羨盤谷。洛社會可尋。香山故應續。丈夫重出處。進退謾容卜。鄒軻審去就。魯叟明止速。道義以自由。終身免憂辱。相彼稻粱肥。尋常羈雁鶩。翩翩黃鵠舉。千里無拘束。送君不可留。慨我顏如渥。

贈莫子長先生赴荻河

爲貧不擇官。得祿不擇地。所以古之人。抱關安所遇。先生有道才。素懷濟時具。小試不可知。大受非所冀。縣鐸聊一振。杏壇宏化雨。紛紛青衿徒。賴以胥造詣。秩盈赴銓曹。考績宜上最。柰何髮垂領。俛首猶就試。擲筆何所言。拂衣捧符去。荻河大江東。上下不百里。魯鰲產頗饒。商賈競厥利。禁擁法有程。監守稱良易。所存在薄祿。匪戀名與位。荻風滄浪清。柳月江浦霽。興乘謝尚舟。浩歌李白句。豈無縮頸編。亦有錦鱗鯉。斗酒價十千。良朋任一二。泝湍望匡廬。順流達牛渚。此樂何有涯。三公不易爾。俯仰無愧怍。如斯而已矣。

贈都舍還播

帝德冒九州。賓貢入萬里。矧茲西南陬。有牧賢且懿。馳使獻名馬。喜色動當宁。錫予荷便鯨。嘉勞亦云至。承恩出都門。秋風速歸騎。還語牧勿緩。忠誠自先世。

贈程長官還播

進馬闕庭下。喜覩天子光。寵賚荷滂沛。錫燕飫馨香。舞蹈出丹陛。雨露沾衣裳。去去萬餘里。秋風歸夜郎。心中感皇恩。稽首北斗傍。

送項司庾

古人尙吏隱。爲貧不爲行。所以魯國叟。職委會計平。有美項君子。少壯志頗英。致身事王國。忠信以爲城。司庾二十年。出納如持衡。所圖在所養。匪求榮與名。竭來奉嘉命。鞠躬謁承明。解后覲風采。姻契夙締盟。相逢愧青眼。執別若爲情。炎風扇長途。匹馬促歸程。援琴寫鄉曲。聊以慰平生。

古體贈孟都憲并序

都憲孟誠。工於詩。妙於畫。精於大字。多能乎哉。閑中每自見。予恐其大節爲細藝所掩也。故詩以規之。

二南美周召。一德稱阿衡。卓卓趙孟頴。書畫皆成名。顛顛閻立本。俯首圖蓬瀛。蘭亭得神助。風流掩右軍。古來大臣體。所貴惟中行。藝能工與拙。那與時輩爭。

題扇贈王都憲

清風播長淮。仁雨露青徐。提手活萬人。元氣吾其廬。團團有機者。握之不盈把。開闔君掌中。乾坤自瀟灑。

題扇與孫玉麟

吾孫玉麟。以目疾廢。予深閔之。然終期修德。以昌厥後。孫勉乎哉。

崑山一片玉。純美良可嘉。柰何啓墨疵。令人徒歎嗟。所幸託巨璞。時見發光華。謹哉蓄爾德。允若與吾家。

題孝子廬墓卷

憶昔母在時。左右不敢違。甘旨必親調。動息恆與俱。今也母忽亡。奉柩向窀穸。母獨在黃泉。我歸安所適。結廬傍母墳。定省如母存。喚母母不應。叩天天不聞。此時魂慘悽。欲殞隨母之。猶恐乏蒸嘗。後事將何如。忍死經歲月。滴滴淚成血。烏鵲巡悲鳴。猛獸逃遠涉。古來篤孝誠。可以通神明。試看臺山下。千載良足徵。

題順孫廬墓卷

祖母父所出。我身父所遺。父母棄我早。我身將誰依。幸賴祖母慈。撫我如撫兒。荷恩日以長。感德良自知。視彼烏鳥情。元知反哺私。光景疾如流。瞬息將登期。左右奉旨甘。朝夕承歡娛。風霜倏忽惡。零落萱花枝。躑躅叫皇天。哽咽呼阿嬭。不復接語音。猶爲捧頷頤。蓬髮面生漆。跣足身忘疲。苦塊忍安寢。蔬水寧入肌。奉棺將就窆。臨穴欲相隨。載圖築若堂。結廬覆茅茨。羣木自栽培。三載獨棲遲。孝誠格穹表。禎祥昭墓陴。蜂蟬環不螫。兔蛇馴無疑。晝鳴如助哀。夜宿若相資。鄉耆告厥異。縣官達所司。奏表上閭闔。詔書旌門楣。竭來謝聖恩。爰歸奉祖祠。諸父地官佐。愛姪天倫怡。一門孝慈篤。百世聲光垂。爲賦順孫什。嗟吁起遐思。

題竹

翡翠引孤標。托根青雲岑。夏日酷以煩。疏枝散清陰。冬霜凜以烈。挺節懷虛心。時有鳳皇來。解作蛟龍吟。貴比雙碧玉。價重千黃金。持以贈子歸。對之一撫琴。

目耕卷爲劉居士題

仲舒不窺園。挾策身自榮。賈逵專經業。終歲倉自盈。何必如老農。畎畝徒經營。達哉劉居士。世以儒流鳴。

書田積萬頃。日未獨從橫。章章勤易耨。字字尤研精。晝長惜寸晷。夜寒對短檠。培養日云熟。谷粟還自生。誰謂吾拙耕。佇看秋多成。

具慶堂爲莫生賦

春樹歲正華。萱花春更好。並藹一堂中。相輝渾不老。鬢髮黝未星。顏色醜且皎。鬱鬱丹桂枝。郁郁文鸞藻。欲報百年恩。常懷一寸草。奉養惜光陰。省定嚴昏早。池鱗擊寒冰。庭綵飄晴昊。雪藕碧盤陳。流霞玉尊倒。滿院沸絃歌。重階稱壽考。娛樂舉世稀。嘉慶誠天造。孝道豈惟茲。功名在懷抱。行當瑞文明。共上蓬萊島。敬慎軒爲李知縣賦

君子尸居上。動靜民則之。苟不自敬慎。萬事從茲隳。李侯賢達才。念念恆在斯。持己必主一。作事每再思。翼翼罔敢怠。昭昭靡自欺。所以宰劇邑。事舉民不疑。由以達大道。焉往而不宜。吁嗟狂縱徒。焚焚良可嗤。

書楊編修賓筵留詠卷

時維一陽復。君子長道心。融融會萬境。綽綽超羣陰。撫景慕高致。肩輿往相尋。華堂敞虛靜。惟有竹素林。銅鳧散清影。玉軫發佳音。紅鱸飄繁屑。黃封啓朋罍。話言滌塵俗。清風灑衣襟。理趣笑中遠。交情坐來深。白日墮西嶺。素月高東岑。再起復自傾。洒罍還更斟。微醺動遐興。抵掌一長吟。載歌天寶頌。願溥蒼生霖。嗤彼事噂沓。顧復望規箴。古誼邈如線。幸獲徵於今。良會信不偶。一飯逾千金。

永寧留寄于太守

吾愛干廷玉。忠孝何純篤。出守陽臉城。攜母躬推轂。予昨過臉城。民庶多富足。只飲洱河水。不食蒼山肉。蒼山高莫攀。洱水清可掬。願言慎始終。毋愧川與谷。

簡窗友

鷄逐鳳凰隊。毛羽自成文。蓬生麻苧中。挺直肖其羣。所以益者友。貴直諒多聞。君才何郁郁。志氣還氤氳。共守歲寒操。言采鬢泮芹。誰知金蘭契。岐然南北分。翰音登于天。五彩徒紛紜。佳植置荒壤。蒿陰反淩雲。出處諒不偶。遲速何足云。卓哉秦孟明。濟河舟自焚。老當益壯力。揚鬣鼓清氛。緬矣起遐思。作詩寄殷勤。

秋官周亞卿病暑以詩問之

赤日烈於火。公事冗於毛。兩併不容釋。況復志慮勞。坐此乃成恙。閉關輟早朝。往觀豈不念。無奈暑路遙。欲學襍穢子。恐爲人所嘲。作詩寄殷勤。姑以慰寂寥。大火且西流。涼飈動庭皋。新雨夜來過。一洗炎熾銷。爲君滌塵疴。脫然神爽超。明當聽朝鷄。尙資藥食調。上以副隆眷。下以慰朋寮。

伏末苦熱得雨喜甚有作

赤帝司乾綱。火龍馭日轂。比當三伏終。溽暑尙炎酷。地近積水汗。居此矮簷屋。斑蚊聒耳鳴。蒼蠅滿面撲。飲食不可口。睡臥難瞑目。蒸汗傷我肌。溼氣病我足。安得插雙翅。飛向雪山麓。正此懊惱閒。令人苦局促。忽聞一聲雷。簷溜傾百斛。涼風發庭皋。清氣殊可掬。仰看斗柄旋。商音起高木。豁然肌體輕。如脫千鈞梏。兒女盡歡忻。衣冠始裝束。老妻奉盤觴。對月引醺醖。一笑開襟懷。萬愁頓驅逐。暑寒本天道。愛憎乃人欲。

冰霜墮指時。顧復念溫燠。人心苦難厭。順時自金玉。

京華同年會分韻得呦字

豪傑抱才志。偃蹇棲林丘。一旦乘風雲。觀光帝王州。仰瞻威鳳儀。俯聽鳴鹿呦。披雲叫閭闔。吐氣凌斗牛。偉百五十人。盡是英雄儔。姓名聯甲第。衣冠涉瀛洲。趨朝陪玉筍。鞠躬事宸旒。瞬息十五年。出處半沈浮。顧茲重可慨。良會須當求。歡笑匪徒謔。杯酒安足酬。所志在功名。歲月不我留。相期各努力。共濟巨川舟。庶幾保終吉。千載聲光流。

自武昌追李都憲

速舟追故人。水逆舟難曳。長叫督舟子。舟子苦勞敝。借問行路人。旌麾駐何處。謂見車馬喧。早入岳城裏。向晚達鳴欄。寅夜追莫企。仰看月在天。淡淡銀河際。恨不臂雙翼。乘風駕吾去。會晤信所難。咫尺成千里。夜宿公館有懷參政不能會

宿天津埠

曉從阿幢來。薄暮宿炎方。公館夜虛敞。明月照我床。顏色疑故人。驚起披衣裳。聽來靜無語。撫枕徒彷徨。忽聞松籟聲。蹙然足音將。愁思不能寐。輾轉嫌更長。會晤良不偶。咫尺成參商。明朝復前行。望望登歸航。曉辭大明宮。晚遵潞河渚。春光暗未熙。景色淡無媚。冰澌流復遲。柳條潤如洗。梢人索價高。客子苦行滯。但欲趨程速。奚論買舟貴。振柁達河西。併日不計里。宵征靡暫休。涉險若爲濟。泊棹扣關吏。關吏陽弗理。

海氣薄天昏。風浪蹴山起。舟楫幾顛危。魚龍肆猖熾。妻子盡失色。僕夫亦惶懼。幸抵天津城。譙樓鼓已二。借問亭下人。默默不一語。忽聞舫客聲。此處暫堪住。翹首望天河。終夜醒不寐。看看鷄亂鳴。漸覺東方曙。

夢先外母如平生因感而作

戊寅六月七日早。假寐左廂待朝。夢先外母如平生。一見歡欣滿面。命後廳坐話。予問李八丈可傷。母曰。病無救耳。又問屠五丈亦故不答。須臾欲起去。予復留之話。良久。忽吏報朝。遂醒。不覺泣然。因感而作。

城樓下四鼓。騎馬趨早朝。解衣憩公所。坐待鄰鷄號。憑几少瞑目。杳然魂夢遙。十年別我母。記憶心徒勞。俄爾見顏色。不覺珠淚飄。徐徐問起居。汲汲慰寂寥。徘徊庭除間。眷戀意難拋。問言八丈歿。無奈百苦撓。具答病寒熱。有藥不能療。貌容如平生。曾不減分毫。憶昔弱冠年。幸托東牀招。文蕭寓秦臺。張母識韋臬。衣服手自縫。飲食親爲調。讀書聲吾伊。爲我心焦熬。旣聞登甲第。喜樂何陶陶。仕途二十年。黃金橫在腰。南北遊兩京。祿食頗亦饒。幾回遣迎養。一不從相邀。母心豈病涉。我意何忉忉。那知骨肉親。竟作生死曹。病不奉湯藥。塋不奠菁茅。感恩一未報。方寸如焚膏。女也適歸寧。天幸誠難遭。大事良已襄。庶免傍人嘲。母子兩如願。存歿怨恨消。茲晨復何事。千載如一朝。覺來淚未乾。雨鳴風蕭蕭。

齋所夢元器

高堂夜虛敞。燕寢香輕盈。心齋慮不俗。夢境神自清。故人何處來。歡笑如平生。衣冠甚閒暇。談吐皆真情。

真情兩相愛。繾綣歲寒盟。風雨襲松竹。颯然枕畔驚。據牀徒徬徨。惟聞戶外聲。

挽陳都御史

台星夜忽暗。太山晨已頽。痛號闔閭城。奔走姑蘇臺。公方在侍御。廷論披奸回。公方在藩臬。德澤孚草萊。公方在邊鎮。威望懾虜魁。公方在左右。道德資沃培。天年未云邁。宦況已復灰。冥鴻拂九霄。三江恣徘徊。志喜在幽逸。其如羣類猜。佇想復司馬。詎應失鹽樑。千里聞訃音。九重興惻哀。祭塋固不薄。恩禮良厚哉。獨嗟西夏民。猶望公還來。

晚年尙書

方春木再稼。知爲達仕變。倏聞年司徒。竟隨遼鶴遠。司徒濟世材。早用儒術顯。中外名揄揚。藩鎮功健羨。地官掌邦教。四民賴攸奠。心以公忠持。事以剛直斷。識鑑有定方。謀猷超恆見。守正以文貞。無私邁清獻。美玉罔纖疵。真金任百煉。偉茲老成人。允矣邦家彥。素簡先帝知。首被今皇眷。泰山忽云頽。士林動嗟泣。營塋恩荐隆。諭祭想應緬。況乃平生交。懷人忘繾綣。白馬出東門。素車向淮甸。紛紛道路間。其傷不可轉。完名而全歸。穹壤復奚怨。

挽高僉事

休休君子心。挺挺儒林秀。蜚英時俊先。敷歷歲華久。夕陽照行臺。霜節忽已摧。淒風悲古柏。滄海飛塵埃。鬱鬱墓前松。屹屹華表石。誰勒有道銘。過客車應式。

挽馬侍郎母

馬家有老母。我家有老母。當年同官時。相親復相顧。馬母喜得孫。我母笑欲翻。攜酒往相賀。瑞氣盈高門。二母並一堂。寶婺增輝光。酒暈慈顏酡。饌入天廚香。馬君參大藩。奉母出山東。願我尚青瑣。一夕慈闈空。馬君尹京兆。奉母居金陵。時我佐秋臺。瞻拜時亦曾。見母如我母。容顏頗相似。我母何所之。拜母淚如雨。前年過南京。爲我下高堂。柰何相別後。遽隔生死鄉。翹首望白雲。往回在和陽。宰木已拱把。欲奠河無梁。吁嗟二母兮。神遊去何方。生曾共歡娛。死必同翱翔。西遊瑤池邊。東遊蓬山上。王母與麻姑。裏回恣清賞。

(原缺二頁每頁二十四行每行二十二字)

漕運阻若行。天道警戒深。良爲玉其成。聖皇固拳拳。宵旰但中情。輸誠禱穹蒼。遣使祈神明。綸音布中外。汗渙濡蒼生。

姚文敏公遺稿卷之二

七言古詩 長短句附

送孔大尹之桃源

金華孔生字彥義。五十九代宣尼裔。聰明俊雅自可人。燈火三更足經史。遨遊太學荷聖恩。磨礪豪傑事討論。南宮試事老且練。一官出宰桃花源。吾聞桃源要且劇。今春荒歉人相食。九重宵旰軫念深。遣使振饑如救溺。倉空廩竭無遺貲。鬻僧補吏紛撐支。棄兒賣婦何慘切。漂尸露齒堪嗟咎。縣官郡守袖手觀。雖有人心無所措。盍不早圖借荒策。庶使凶年輿難苦。常平義倉古有規。胡今官府都不知。子去正值瘡痍後。忍見瘡痍苦未離。晝夜勤勤講民瘼。預謀來歲生人法。紘麥搆穀須及時。勸牛借種毋留諾。三年餘積一年糧。雖有凶荒無死傷。不信當求晦翁說。隨宜更復有弛張。

送胡參政之任西川

聖皇軫念西南夷。干戈弗戢民支離。若欲仁恩起枯槁。須求賢哲居藩維。司空郎官瑚連器。政事文章妙當世。羣公剡薦免論歸。命下榮膺方岳寄。西川遠在天之隅。昔年富庶稱雄都。詩書不改文翁化。琴鶴猶思清獻車。薇垣負荷良亦重。景仰前修素心共。勉力能成保障功。甘棠行見流歌頌。

送李尚書父還南陽

南陽自古多英雄。布衣諸葛稱臥龍。寥寥于今及千載。山川秀淑何所鍾。先生家世近隆中。論時與地適其逢。挺生魁傑非凡品。行誼有似龐德翁。韜光不試道豈窮。悠然林下歌清風。黃金弗置城頭產。買書教子親磨礱。卓哉令器尙書公。奮身科第躋顯融。天生異才信不偶。文章黼黻華帝躬。左右弼亮代天工。四海蒼生賴帡幪。端然紳委居館閣。笙簧治道熙時雍。天子推恩報厥功。龍章煥錫三代封。先生受命不可倨。匍匐千里趨宸楓。鞠躬祇謁大明宮。我皇眷顧回重瞳。漢庭暫識商山綺。周室應來渭水熊。八旬初度暑正隆。文昌鬱鬱佳氣蔥。宏開壽域尙書第。蟠桃正屬千年紅。華筵肆啓殺核豐。黃封酒沃紫駝峯。賓朋旁午共歡賀。高歌急管聲泠泠。雙眸炯炯兩耳聰。醜顏鶴髮背如鍾。君臣慶會世無比。父子榮壽誰能同。晨昏視膳樂正沖。翻思桑梓忘敬恭。詰朝陞辭出雙闕。湛然雨露沾龐洪。尙書欲留不可從。安車親馭出城東。都人喑喑共稱歎。養兒須教孝與忠。銅盤浙瀝玉露濃。潞河兩岸秋芙蓉。片帆旬日抵鄉國。鄰翁社叟迎歸筇。滿門喜色光簾櫳。錦袍金帶輝晴虹。鮮饒脆富膏天祿。蘭馨桂馥欣重重。搢紳祖餞詩幃供。臨行執別何怱怱。一栝更爲先生壽。堅貞願比南山松。

送陳少卿致仕還鄉居西湖

聖人在上賢人從。網羅四海岩穴空。西湖風景依然在。逋仙去後誰留蹤。落花流水春融融。白雲常度飛來峯。梅花無人共索笑。唯有野鶴盤枯松。先生學道非凡庸。通今博古推儒宗。乘時奮起聊一試。典茲三禮昭時雍。年幾七十顏如童。乞身抗疏蓬萊宮。我皇至仁重優老。賜歸天語何從容。孤山買宅梅花叢。寸

金尺地三百弓。屋上青山屋下泉。花竹秀茂年年同。先生身退道非窮。圖書滿載歸浙東。丁寧花鳥五言律。約束溪山九節筇。附郭二頃歌年豐。甕頭酒熟呼鄰翁。紅塵不到松關下。北窗一枕羲皇風。平生一點報國忠。盡付賢郎方寸中。莫言未展經綸略。會似當年王晉公。

送吳伯彰歸桐廬

芝溪浩渺源流香。繡峰蜿蜒來脈長。山水精□會融結。種成人物殊尋常。故家舊族稱吳氏。合食從來數百指。綿綿相繼富且殷。一屋同居已八世。詩書禮樂何彬彬。仁義孝友尤肫肫。鄉童里叟咸衣被。好似大庾庇千人。固知積善非一日。子姓昆弟皆珠璧。溫淳雅飭良可嘉。荀氏門庭真彷彿。有子有子更白眉。器宇迥非羣輩匹。竭來應詔上金臺。千斛精糧資上國。伯父承恩授冠帶。子在幘幘同錫賚。朝罷龍顏出五雲。曉月驂騮並言邁。于時正值十月春。都亭餞別羅賓親。朔風驚寒馬蹄促。雪花飛絮猶繽紛。紅塵紫陌留行色。急管嬌絃情未釋。玉壺傾倒日西垂。翹首潞河應咫尺。船頭有客歌三疊。更酌燕醪與君別。到家傳語松月翁。香社會中詩誰結。

送危典史致仕還鄉

吾邑典史危君彥恭。九年秩滿。民列狀留之甚切。邑令前監察御史南陽李侯。愛其爲人。且重民之請也。爲達之上。吏部遲其來。久之。代者往而君乃至。遂弗果留。君以親老乞致仕而歸。予喜君之不泥於仕。而能急於親也。作詩送之云。

桐廬之山鬱以紆。桐廬之水清且迂。襟江帶溪瀉澄練。錦峰綉嶺列畫圖。風淳俗美詞訟無。家詩戶書頗尚儒。最喜泉甘土更沃。況復魚鮮米勝珠。自昔號爲易治區。徵輸不用鞭朴驅。柰何後先事頓異。淳者變澆美者污。危君在幕負才志。一贊一畫道誼符。大夫有善君與俱。大夫有過君與扶。數年之間化方洽。頌聲洋洋載道途。危君考績來帝都。大夫快若失友于。抗章乞留辭甚懇。桐民臥轍爭攀呼。君曰有親老可虞。白雲望斷天之隅。人生富貴何足計。三公不換庭前娛。乞身再拜辭天衢。拂袖便欲乘雙鳧。上林桃李照顏色。都門楊柳牽驪駒。到家正值五月初。葵榴滿眼開庭除。版輿時度潘家苑。彩服朝嬉楚老雛。吁嗟危君行獨殊。事君事親兩不孤。作詩贈爾重繾綣。庸以勵世風吾徒。

送鄭教諭之休寧

十年不相見。相見頭俱白。方此兩踟躕。況復離情迫。黃菊滿東籬。粲粲壯行色。燕姬造酒新出簣。沽來不惜黃金百。終宵燈下話未休。城頭笳鼓聲聲咽。都亭去去不復留。芙蓉江上木蘭舟。江南正值梅花發。先折一枝□我愁。

送王資用赴臨江通判

猗歟王生。聞子于十年之前。識子于十年之後。京師一見如故交。延論眞能啓予牖。文章問學富而英。器宇才華朴且茂。春秋二百四十年。筆削精微無滲漏。西垣闢館聚生徒。歲月陶甄咸入彀。竭來抱藝謁天曹。羣然俊彥翹居首。選榜初開魏闕傍。榮銓別駕大江右。郡臨斗分挹章山。閣罩烟嵐拂冥晝。富壽堂前

禮教崇。吸川亭上清風舊。之官正值金鷄回。揚舲潞水如車驟。共看昨夜玉筍峰。一片祥光繞牛斗。佐時會使田野安。贊政須臻民物阜。嗟予仕途三十年。兩京陪接人才藪。目中所閱豈不多。行誼如生殆希有。都門相送分袂難。維駒且盡尊中酒。猗歟王生政成三載早。歸朝鳳池待子重攜手。

送曹侍御致仕南還

聖天子光復寶祚。思用老成人。共圖致理。命吏部。凡御史家食者。悉起以來。於是山陰曹用明先生。以疾在告二十餘年。聞召而起。比至。將復用之。先生年且七十有四。列狀力辭。遂獲休致之命。於是復買舟南還。朝之搢紳士。莫不以先生之歸爲榮。相與祖送東門外。予嘗聞冢宰王公亟稱先生君子人也。惜其老而不能用。則先生之爲人可知矣。固欲一言爲先生贈。適其門生戴仲衡氏過予。道其意。因不勝喜。乃援筆爲之歌曰。

峨峨兮豸冠。燁燁兮繡裳。奉丹詔兮來帝旁。叩紫宸兮覲耿光。抗疏兮乞身。天聽兮杳茫。七十致仕兮古禮。況臣衰兮難再強。天子曰嘻。達哉是郎。不汝拂兮歸故鄉。再歌曰。西旋兮斗杓。涼生兮暑消。拂袖兮南邁。遵潞潞兮畫橈。紛搢紳兮祖送。沸車馬兮江皋。玉瓶倒兮秋月高。簫鼓發兮舟搖搖。賓從四散兮回首。先生一笑兮陶陶。三歌曰。去去兮浙西。望望兮會稽。山之陰兮吾之廬。野可樵兮水可以漁。檀冠兮藤杖。芒履兮布衣。友麋鹿兮木石俱。剡溪兮雪棹。蘭亭兮禊除。醉白社兮忘爾汝。脫塵鞅兮何是非。率子弟兮忠孝表鄉閭兮著龜。含哺兮鼓腹。擊壤兮奚爲。嗟先生兮浩浩。樂太平兮期頤。

送夏大理歸省

大理寺丞夏公時正。上疏曰。臣有垂白母在堂。年且九十。思臣一見。願少寬假歸省。以慰母子之情。疏入。詔可。賜鈔三千緡。蓋異數也。退而語諸同朝。六月二十日。母初度之辰。又奇逢也。夔忝年未預。爲之喜。既爲律詩一首。爲太夫人壽。復述長句。爲公行李之贈。辭雖鄙俚。而情可少乎。

白頭親在高堂。游子身在帝鄉。母子去天各一方。顧瞻白雲心徬徨。豈無健馬馳康莊。宦轍其柰羈未遑。一日何啻九迴腸。疏情列懇陳我皇。臣有老母九十霜。十年莫省溫與涼。思臣不見情欲傷。倚門日望吳山陽。記得臨行縫衣裳。萬鍾九鼎奚足償。況今六月初度將。百年此日非尋常。縱有旨酒和烝羊。何如菽水親奉嘗。叩頭嗚咽涕浪浪。此心潛已達穹蒼。帝心感惻純孝彰。賜歸恩禮雨露滂。三千寶鏹出帑藏。差資孝養榮行裝。宸辭暫下鷁鷺行。扁舟指日回錢塘。槐庭滿砌萱草黃。清池十里荷花香。綵衣載拜稱壽觴。珊瑚玉佩鳴琳琅。龍章鳳詔相輝煌。金龜白鶴來踰踰。沉檀雲湧召禎祥。笙歌鼎沸聲洋洋。蘭孫桂子環繞牀。三牲五鼎羅膏薌。慈闈喜樂殊未央。朱顏酒暈如紅妝。耳聰目明身愈康。壽山福海期無疆。君臣千載慶明良。母子感恩天地長。舉頭望見北斗光。翻身欲攬歸朝韁。明朝辭親出門去。古來忠孝今成雙。

贈兄耕樂先生南歸

耕樂先生性夷逸。顏如渥丹瞳如漆。胸中不信滄海寬。眼底自覺塵寰窄。千鍾美祿似毫芒。萬兩黃金如一粒。桐江頗厭囂俗喧。僻向小山結幽室。竹籬茅舍偏獨安。長江短篷時自適。生涯不滿百畝田。刀耕水

耨艱爲食。春晚喧喧。布谷鳴。春雲靄靄。簷溜滴。呼童載犁。躬負鋤。手牽黃犢。頭戴笠。一耕不自已。再耕還自力。三耕且抽苗。看看秀而碩。夏耘勤勤。秋復來。禾黍如雲。堪刈鉞。籬負囊紛斂。歸倉盈。困滿居無隙。教妻釀酒。賽田神。羊宰豚。官親戚。擊鼓鑿鑿。樂未央。忽省玉兔東山白。官素不通姓名。里胥誰敢呼。徭役弄孫。娛子經歲年。甘飴旨供朝夕。吁嗟先生樂何極。所樂惟耕人不識。朝忽念同胞人。買舟千里來京國。爾弟揆匪經綸才。承乏天官。愧修職。幾年不見忽相逢。且悲且喜。情如織。問兄今年六旬五。何事勤劬。輕遠出。矧逢四月初度辰。官居肆筵。開壽域。一椽魯酒祝長生。子姓夫妻跪前席。弟於兄情。那可言。恨不割肉爲兄炙。相看相處。未經旬。何忍怱怱問歸軾。兄兮兄兮。不可留。執手潛然淚交臆。兄幾七十七。弟五旬。此別相會。知何日。願兄珍重。莫輕遊。願兄善養保和德。行當謝事。賦歸來。與兄同作耕樂客。

贈王先生致政南還

武寧教諭王先生伯麟。予髫齡時。遊邑庠。獲從先生後。間蒙獎迪。麗澤良多。既而後先出仕。萍跡浮沈。離合無常。正統己巳。先生自涿訓陞教武寧。不相見者十餘年。而情好未嘗不往來於懷。今年夏。幸復相會于京。先生且老。而予亦髮斑白矣。方爾綢繆。而先生得休致之命。急促裝南還。能無動予情哉。於是沽燕市之酒。相與痛酌。取醉以散。離別之懷。復述長歌一首。爲行李導。鄉里暇時。對親一歌之。亦足以見朋友相愛之私云。

螽斯動股。蝟始鳴。榴花葵花燒空明。澍雨初過淨塵陌。都門烟柳牽行情。燕姬釀酒朝正熟。糟牀滴瀝香

浮玉一斗十千任價高。往來多少停車轂。呼童沽來酌故人。故人不見經十春。相逢此夕歡何極。感今慨昔傾口情。一酌一酌復一酌。西窗細雨燈花落。酒盡情長話不休。看看城上欲罷柝。宿醒未醒東方紅。聞君歸計尤怱怱。相看那忍遽相失。合歡翻作離愁濃。離愁濃如漆。記得當年同學時。光陰瞬息頭俱白。頭白不復黑。人離尚可完。君來君去不再來。塵羈絆我何時還。乞身便欲向明主。明主恩深那可去。同鄉同學不同歸。踟躕不覺淚如雨。君歸君歸何快哉。有孫有子皆瓊瑰。高堂甘旨樂餘景。青山綠水相裴回。吁嗟先生篤高誼。胸襟洒落無塵滓。化雨已能成梁棟。餘波今喜濡桑梓。

贈王都憲公度

吾觀王中丞。面上三層鐵。胸中一片仁。疾奸惡惡如蛇蠍。扶良植善如陽春。前年胡馬飲蘆津。九門笳鼓嚴三晨。獨當一面與蹀血。親冒矢石不顧身。東南漕運多因循。吾皇重念疲吾民。恭承總督江淮命。晝夜奔走勞精神。王中丞晝不著繡衣。夜不臥錦茵。所圖在國計。所濟惟民貧。剛明果斷罔逡巡。運籌畫策如轉輪。漕徒百萬盡歡悅。舳艫千里如次鱗。今年歸來伏紫宸。欲與衆伍分艱辛。有司不解均勞意。紛紛持論生怒噴。帝嘉爾庸超羣臣。久已悉爾之忠貞。富弼勇知不足數。劉晏經略真堪倫。更看文采何彬彬。譬咳萬斛皆珠珍。詞章韓柳賸消洒。詩句李杜多清新。王中丞赤心在報主。素念還思親。馳驅王事不得息。白雲幾度空露巾。乞恩詔許修明禋。馬頭衝雪歸西秦。焚黃壠上耀白日。山川草木輝蒼旻。王中丞明時之鸞鳳。盛世之麒麟。文經武緯揚芳勛。丈夫忠孝有如此。青史看來能幾人。

贈姪瑠

瑠初名杲。予以其於兄弟行不相類。改名曰瑠。瑠者。玉色文貌。夫玉色溫潤而有文者。以堅剛爲之質也。故字之曰質夫。欲其文質相稱也。瑠之兄曰璫。璫者栗也。玉之美華。有栗栗之意焉。其必以敬將之乎。故字之曰敬夫。欲其戒慎以自持也。噫。二子勉乎哉。

吁嗟吾家世居嚴陵之左。桐江之濱。上繼榮祿之祖武。下續五世之宗盟。積仁累德三百禩。篤生顯考兮。豁達雄邁。承其盈。六息五是丈夫身。天胡弗昇。臻遐齡。藐予匍匐。未能步。尙賴母氏教育。成其名。叨官食祿。荷聖明。兩錫花誥。增光榮。追封二代兮。皇皇遺澤。信有徵。吁嗟吾家兄弟羣。玉立子。姓駢蘭馨。第宅甲邑。蔽槐影。田疇接畛。連桑陰。官府不聽。催科聲。門閭惟有賓客迎。沐浴前人之膏澤兮。盤桓盛世之太平。盍亦圖。惟保厥成。庶幾大廈無顛傾。吁嗟吾家兄長已矣。不可作。三兄四弟。並臻六袞。胥康寧。我亦知命年。白髮何嶙峋。傷哉爾父兮。瑩然玉樹先沉淪。寡妻幼子。何煢煢。況爾遺腹。尤零丁。母兮鞠抱。獨辛苦。皇天監佑。幸見二孤頭角。俱崢嶸。吁嗟吾姪。莫負天。莫負人。羔羊跪乳。慈烏返哺兮。顧茲異類。亦有情。人生何可忘其親。昨而念我骨肉恩。跋涉千里。趨神京。留侍左右。莫屢更。撫之教之。幾回使我涕霑巾。吁嗟吾姪。毋違吾言兮。毋怪吾諄諄。勤儉足生涯。孝弟是本根。一或失之。獸與禽。黃金萬兩。如浮萍。吁嗟吾姪。有書須當讀。有田須當耕。毋憂爾。迺兮。毋慮爾。貧。行將乞身向聖主。歸來與爾樂天倫。七里灘下。鷓鴣村。九里洲上。鳳凰岑。一壺酒。一張琴。一榻清風。一曲吟。籍也醉兮。阿咸憑。傳語桐江諸父老。枌榆社裏。留我半

席莫使他人侵。

勉思行贈吳春秀才

勉思行爲吳春秀才南歸赴舉之贈。終篇云。夢魂長繞南山陲。蓋予先塋近在春家之右。故及之。爾尙志之哉。

有鶯願遷喬木枝。有女願嫁聰明兒。聰明兒郎不易得。得之如獲連城珠。我家有女淑婉姿。多方擇配求所宜。昨因冰語偶相契。鵲橋遠駕成佳期。羨子材志清且奇。昂然野鶴鳴天池。南窗夜半漏初靜。短檠獨對聲吾伊。爲涓西館延明師。辨疑解惑嚴三餘。春秋大義炳無翳。筆削微意融如飴。今年浙省開秋闈。山林豪傑欣逢時。挾策操觚試一往。奮然頭角寧容羈。春風楊柳黃金絲。都門裊裊牽行裾。一柸祇爲澆磊塊。長歌且謾嘶駟驪。我歌不是陽關辭。我酒不爲傷別離。歌因義重聲漸激。酒爲恩深醉欲遲。讀書要在涵泳之。作文那在雕琢爲。張頤浪古匪吉士。忠信篤敬真良菑。堂堂周道堪委蛇。屑屑偃室容睥睨。達人知此重自檢。卓然肯爲流俗緇。況爾青年邁等夷。三冬問學功未彌。名場利囿莫倖致。鵬程萬里須容紆。歸哉歸哉勉爾思。着鞭去去還早來。京塵老我重回首。夢魂長繞南山陲。

翁順堂詩爲劉錄事贈

憶昔橋門聽雨時。舉目皆是英雄兒。唯君煥然更文采。聞過子雲一問奇。俄然典教出谷城。谷城士子資陶成。譬如枯池困鱗甲。化歸滄海奔長鯨。竭來報政謁天子。妙選賢能輔儲貳。近臣有識當薦章。官僚隱

隱聲華起。殊念椿萱盡白頭。西川萬里情悠悠。抗章乞得暫歸親。高堂頓覺歡聲稠。難兄難弟自一體。膝下承歡奉甘旨。階庭晨夕奏埴篪。二親相對欣欣喜。喜得賢郎天上回。錦衣暎徹流霞杯。兄酬弟勸一何樂。世間此樂真難哉。吾觀劉氏多積德。滿堂和氣融春日。欲知慶澤厚且長。試聽吾歌翁順什。

己卯端午節賜遊後山觀走馬射柳有作

聖皇御極天地清。八方無事歌太平。南蠻北狄盡賓服。梯山航海來獻琛。我皇盛德不自矜。宵衣旰食圖勵精。治安不忘修武事。因時講肄陳五兵。五月五日律蕤賓。人情和暢風景晴。萬歲山前開藝圃。龍驤鐵騎俱崢嶸。羽林衛卒猛且競。赳赳勇士尤縱橫。身衣錦繡光袞袞。腰懸囊鞬何英英。紛紛紘紘屯柳營。摧金伐鼓氣漸盈。三軍擡手齊喏喊。萬馬辟易皆震驚。有馬朱鞮赤其纓。前躍後踴莫敢撓。旌旗蔽天耀日月。百般技藝不可名。飛黃白鼻如電奔。捷躡跨鞍如絮輕。翻身引弓如明月。注目發矢如流星。颯然叩弦空中聞。須臾剪斷白玉莖。巧發奇中真妙絕。養由卻步誰能爭。有如枯楊盤其根。有如神山見其真。騎一騙三如跨凳。倒植橫臥如奔鯨。翻然身從馬腹伸。忽然身從馬首縈。蹲鴟突兀任超逸。狡兔下上無停征。或鹿或狗肖厥形。或四或五連不傾。肩水頂火手持戟。飛創流礮身懸旌。未出騏驥百其羣。禽飛獸走齊放生。雲中一派法樂奏。綠陰深處鶯歌鳴。丁寧天語宴東城。中官款陪諭勸頻。羣臣盡醉總忻忭。拜舞咸呼萬歲聲。祖宗故事久不行。我皇今日重修明。小臣何幸躬逢盛。載歌天保答聖情。

題梅鵲

奇芬不比柳原葩。高格那同處士家。臘意未融三島雪。春光先露一枝花。碧桃芳冷千年老。阿母探香遣青鳥。飛來枝上月三更。夢入羅浮天未曉。東風漸煖五雲深。蓬萊高頂饒佳音。鷓鴣啼雨子初熟。綠陰顆顆垂黃金。摘來擬薦商家鼎。味入和羹陋凡品。傅巖手段功告成。莫道黃昏水橫影。

題金教授先墨卷

金生示我先人卷。先人行誼宛然見。形容寂寂閉九原。墓上青松如蓋圓。積金爲弟擇良偶。發粟開倉濟貧叟。一言能決里社爭。羣善恆克鄉飲賓。德蓄在躬不自享。澤遺後昆真可尙。有子落落負瓌奇。十年芹泮爲人師。超遷郡博大江滸。鴻飛漸達青雲路。吁嗟先人種植心。可知常氏輕高金。爲生題卷起我感。目斷江南片雲散。

題皇華秋景圖

大明天子御神極。四海九州歸化域。雕題左衽盡稱臣。航海梯山來效職。安南僻在炎荒陬。衣冠頗比諸番優。昨來請命封繼世。欲徼天寵誇羣酋。英皇恩深沛如雨。妙選賢能充信使。匪徒禮幣慰下邦。要使仁風播遐軌。柴公卓矣人中都。長身玉立尤魁梧。才兼文武篤忠悃。日侍瑣闥陳嘉謨。帝曰專對言汝若。公卽稽首無留諾。驅馳不憚萬里艱。駟牡駢駢自天達。歷粵踰桂銅柱西。蕃王奔走伏路岐。舳艫蔽江震笳鼓。鎧甲列岸迎旌麾。使節皇皇就賓館。錦袍玉帶星霞燦。遠人不識大官儀。疑是神仙降霄漢。詰朝册禮初告成。口宣詔旨尤分明。天光日華照下土。頓令海外夷風清。于時少昊秉金令。商飈掃蕩炎氛靖。雨過

山川碧似藍。月當河漢光如鏡。枕椰影覆薜荔牆。木犀香透芭蕉窗。銅鳧縹緲引蘭佩。瓊卮漱澀浮蔗漿。
對茲景物雅堪羨。回首北辰望應遠。翻然躍馬併歸程。眷彼君臣共留戀。珍奇寶玩良贖多。一芥不取其
柰何。葡萄卻笑張博望。薏苡猶慚馬伏波。羣夷相顧或嘆息。盡道中朝真潔白。願祝聖主億萬年。我公旦
夕恆在側。歸來敷奏蓬萊宮。天子嘉勞喜滿容。職供機務任益重。持謙心事猶沖沖。望懷小國納成款。繪
作秋圖示清翫。愧無燕許大手筆。爲寫長編入青汗。

姚文敏公遺稿卷之二

五言律詩

小孤

平地孤峯峭。中流底柱峨。勢懸千尺玉。影覆半江波。壁絕人難躡。風清鳥自歌。維舟欣晚眺。新月掛藤蘿。

下峽二首

瞿塘天下險。巫峽勢相連。夾岸千尋壁。中流一罅天。山空無獸跡。江逼少人烟。唯聽琴琴鼓。朝牽百丈船。宇宙誰開闢。神功勢可驚。水從天上下。船向地中行。停午日初見。侵晨猿一鳴。客懷經此處。愁聽棹歌聲。

寄聽竹先生二首

小築栗山陰。幽深無處尋。不貪花滿徑。惟愛竹成林。雪酒金敲韻。風來玉戛音。隱君心得處。對月一牀琴。有意娛泉石。無心慕組簪。耕雲非種玉。鋤地每揮金。酒醉看孫舞。詩成對月吟。笑觀天上客。塵土滿衣襟。

哭英廟詩九首

天順八年正月十七日。大行皇帝升遐。夔叨典大喪禮。因思六年十二月上不豫。七年正旦免賀。至初八日。念禮部缺尙書。力疾出視朝。召吏部降手敕。特陞夔禮部尙書。次日復不能出。至十三日御朝。夔始獲謝恩。乃知聖眷之深如此。至是喪禮。悉夔裁定。於乎痛哉。因作挽詩九章。以哭其私云。

四世垂皇統。七齡嗣大君。聰明齊舜禹。孝敬邁湯文。萬國沾膏澤。三靈享苾芬。庶幾臻阜俗。光可紹皇墳。
冲聖居天位。熙然海宇春。四靈符至治。萬類洽深仁。訓迪惟皇妣。匡扶賴老臣。如何輕北狩。祇爲拯吾民。
日角開天表。龍顏溢鳳姿。知人高祖哲。御下太宗規。總覽經邦計。尤神制虜機。乾坤三十載。民物盡熙熙。
復辟真天命。迎鑾出衆私。誅奸神算定。討叛廟謨奇。震器千年統。乾綱八極維。春秋並堯舜。垂拱可無爲。
徂落蒼生慟。升遐上帝賓。八方均遏樂。七廟暗傷神。歷數歸元子。台衡簡老臣。貽謀皇業固。千載荷休仁。
七載遵時晦。心怡體自休。一朝回宇宙。萬姓起歌謳。志欲更時化。其如佐國謀。空教湯武聖。側席想伊周。
虜識真天子。羣羅拜聖明。牛羊供御膳。駝馬奉行營。扈蹕還龍駕。謳歌入鳳城。日光回四表。中外動歡聲。
聖德如天廣。仁恩似海寬。累蒙知獎重。自揣報酬難。典禮心猶亂。扶喪淚每彈。遙思天日表。儼在五雲端。
力疾傳恩詔。春官列上卿。方期裨袞黼。忽已隔蓬瀛。淚洒懸輶紼。哀隨引路旌。終天那復見。幾度夢魂驚。

挽太常蔣尙書

聖主崇明祀。泥書起老臣。八旬猶矍鑠。三禮藉經綸。宗伯勳階峻。郊壇顧問頻。忽聞仙蛻去。玄境共傷神。

五言排律

賀登極

恭惟皇上嗣登寶位之日。詔頒天下。夔忝禮卿。捧詔至端門。開讀羣工百姓。舉手歡呼。是日天日晴輝。祥

雲繚繞誠太平之象也。聊作短詩頌之。

高廟千年統。文皇五世孫。仁聞流宇宙。孝道格乾坤。歷數歸元子。謳歌屬至尊。綸音布赤縣。德澤洽黎元。瑞日開黃道。祥雲藹紫垣。山呼朝帝坐。虎拜覲天闈。萬國承王朔。千官荷聖恩。兩宮誠罔間。八廟事如存。磐石皇圖鞏。螽斯嗣續繁。文明過舜禹。治化並羲軒。何幸逢熙運。深慚獨素餐。阿衡商用美。尙父武猶煩。無逸宜陳戒。豳風冀討論。短詩奚足頌。稽首欲忘言。

送劉黃門之南京

幾年羈旅轍。忝結歲寒盟。共鼓橋門篋。聯登甲第名。論交常吐膽。執別若爲情。喜慶風雲會。欣沾雨露榮。黃門居俊彥。青瑣屬豪英。玉闕辭鑾去。金陵羨鳳鳴。柳牽京國袂。花點潞河旌。宴別時三伏。帆開月五更。南思雲滿樹。北望斗懸城。僚案舟同濟。賓朋蓋用傾。謨謀匡盛治。黼黻贊昇平。事業追姬旦。功名擬賈生。相期各努力。矢不負皇明。

題藍溪港

藍溪足幽致。嘉遁許誰同。婉轉千流會。潺湲一派東。練浮光接漢。翠落碧涵空。柳葉三春雨。蘆花兩岸風。芳洲馨杜若。孤嶼暗梧桐。薄淺棊亭小。臨清畫閣重。時過採蓮艇。每遇斲芹筍。地僻塵應遠。清閒道自融。醉眠江月落。醒看海潮通。軟弱鱸魚釣。夷猶鷗鳥蓬。悠然物外趣。不爲世間籠。自信如嚴子。猶疑是陸蒙。只今時正泰。會恐獵非熊。

題潘節推隆恩堂

族自武功顯。家從別駕遷。詩書光啓後。仕宦克承前。京兆煩刑獄。推官屬俊賢。寬平人不枉。明決事無偏。三載勞書奏。九重官誥懸。宸章輝象軸。御墨洒龍箋。喜動慈親色。光昭考禰阡。構堂崇棟宇。揭扁耀奎躔。感激兼存沒。榮華及後先。寵隆鄉國羨。澤被子孫延。金馬碧雞地。烏紗銀帶仙。篤哉懋忠孝。天祿自綿綿。

先妣夫人忌辰

六月又六日。乾坤何慘然。懷親心似割。搔首意如煎。匍匐方移地。淒涼已喪天。祿中深鞠育。膝下最矜憐。能語書親教。逢髻乳未蠲。寒溫恆撫摸。飢飽更周旋。遺學從師傅。燃檠課簡編。勤功應喜悅。懶誦忍笞鞭。早出凝看遠。遲回倚望懸。良朋欣款接。狎友恐留連。脫珥供師贄。臨機補學錢。論文須究竟。解義必精研。幸預鄉書薦。叨登桂籍先。慈情方少愜。行色遽成牽。一試春圍蹶。三年太學淹。憂形雙臉悴。淚迸兩頤漣。慶際風雲會。音憑魚雁傳。標名金榜上。托跡鳳池邊。親抱孫攜婦。遙逾江涉川。京城欣會合。骨肉遂團圓。天祿共羞雋。宮袍舞彩翩。自惟安淡薄。不羨嗜肥鮮。柰爾蒼旻酷。俄驚素月捐。萱花空滿砌。寶婺竟淪淵。奉柩歸千里。埋棺慰九泉。制終趨北闕。詔下赴南躔。來往勞萍跡。行藏信道緣。浮生旬過五。食祿歲幾千。典禮慚無效。銓官畏有權。矧叨宗伯任。深愧士林賢。惻惻憂時念。孜孜報國虔。位高惟慮墜。擔重每防顛。兩鬢蕭蕭雪。雙瞳漠漠烟。功名隨日淡。魂夢與雲騫。亟欲辭朝署。爰思在墓田。傷神逢愍忌。撫景賦哀篇。官舍脩祠事。時羞奠寢筵。賸知歆沒後。那似奉生前。苦苦情何極。終天恨益綿。

挽安國恭憲公

出右濟南族。人鍾泰岳精。偉哉當代彥。卓矣盛時英。槐市修文藝。花封播政聲。虺祥天妹降。月瑞聖媛生。配帝光椒掖。承乾正玉衡。累遷驃騎貴。特進會昌榮。三代咸封贈。通家並絳纓。春秋逾耄耄。福祿享崢嶸。貴盛禮尤下。尊高氣愈平。揮金周困乏。割產濟孤嬰。愛客投輪款。欽賢倒屣迎。不誇金谷侈。雅比玉壺清。素履無虧失。臨終戒滿盈。陰家奚足擬。馬氏實堪程。俄作南柯夢。深關北闕情。賻含恩更厚。祭葬禮非輕。墓隧香山築。碑文翰苑評。已看丘樹拱。幾見歲星更。幸際乾坤轉。重瞻日月明。眷存戚里好。軫念涓陽盟。肆進國公爵。弘加恭憲名。龍章申奠卹。鳳誥重褒旌。震器敦高誼。天朝賴老成。虞淵親取日。滄海自殲鯨。與國同休戚。匡時致泰亨。世傳忠孝盛。功在鼎彝呈。終始哀榮備。公乎孰與京。

挽薩侍郎同僚

全閩儲秀氣。盛世挺英姿。性篤曾參養。心潛董子帷。律身渾近古。履行不徇時。學究天人蘊。文摛錦繡奇。甲科歸衆望。翰苑簡隆知。典禮樂攸重。屬經綸有爲。不堪妻子累。竟致腹心危。力疾思猶懇。殷憂神轉疲。甫辭三品祿。俄動九原悲。幸有伏生女。嗟無伯道兒。扶棺祇孤僕。表墓屹穹碑。愧我同官好。多君麗澤資。月梁疑李白。塵軫失鍾期。幾度臨風處。潸然淚滿頤。

凡此皆係... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

... (The text is extremely faded and mostly illegible, appearing as a series of vertical columns.)

姚文敏公遺稿卷之四

七言律詩

夜泊荻港

夕陽落盡暮潮平。舟泊沙灣漸二更。緣岸竹籬驚犬吠。近江村樹動雅鳴。關徒擊柝傳宵警。駟吏持燈候夜迎。回首鳳臺纔咫尺。滇南此去幾多程。

過廬阜二首

南紀藩籬倚旻穹。坤維賴此作元功。雲開萬疊芙蓉秀。雪點千尋碧玉叢。白鹿不來書院寂。青牛既去藥爐空。帆過彭蠡無窮興。都付蒼茫一望中。

盤薄西江鎮楚門。丹崖翠壁擁天根。雄深不用六鼇奠。秀拔應推五老尊。金闕玉房無路覓。蓮堂鹿院有書存。共看大旱興雲雨。千里咸承潤澤恩。

自武昌追李都憲

舟發嘉魚日未熙。晚風吹過鴨欄漪。岳陽凜凜霜威重。江月沉沉雁影遲。滿擬李膺歡共載。卻教楊子恨多岐。馬蹄萬里雲南道。回首瀟湘有所思。

過巴陵

巴陵西去望公安。帆過沙灣水渺漫。雲捲洞庭山色遠。風吹湘浦浪花搏。江深霧暗侵書潤。天闊霜微怯袂單。客路莫言多寂寞。湖南佳景恣遊觀。

過桃源遇雨憶商學士

桃源晚過雨瀟瀟。匹馬驅馳路更迢。山驛有樓雲帶脊。野溪無渡水平腰。泥途客旅添惆悵。村落人家況寂寥。遙憶金鑾商學士。日華五色醉仙桃。

過平越方經苗賊有感

久治俄逢氣化愆。山人乘間肆腥膻。干戈騷擾綿千里。民庶流離屬幾年。敗壁頽垣遺井落。荒村古路少人烟。偶因奉詔經由此。四顧蕭條一愴然。

過雞公關索二嶺

平分天險角西東。阻絕山河氣勢雄。夾壁仰看千戟列。中流俯視一絲通。崑峨誰與誇岷劍。秀拔還應讓華嵩。卻馬王陽非我志。一鞭曉色過安籠。

過安籠箐

貴陽西去地尤偏。按轡徐行望杳然。水轉千灣多激石。山連萬頃少平川。鞍籠箐裏雲埋竹。關索峯頭樹接天。寄語往來行路客。無端卻爲利名牽。

老鴉關

跋涉風塵苦路難。那堪又過老鴉關。高山直下千尋壁。深箐盤來幾折灣。一士把戈當險立。萬夫解甲避鋒還。謾誇函谷爲秦障。此地應能禦百蠻。

過七星關

近驛十里

軺車遠度七星關。客裏那堪歲已闌。百折迴流依岸轉。千尋陡壁夾溪蟠。霏霏雨雪愁天暝。歷歷山川行路難。遙聽驛樓迎鼓響。到須沽酒暫停鞍。

過赤岡有懷

臘月二十日小女生辰

夜來南下投烏撒。曉發東行度赤岡。山峻石巉泥路滑。雪深天暗馬蹄僵。王程有限應旋旆。客況無聊欲斷腸。忽憶去年當此日。華堂銀燭照霞觴。

畢節遇雨雪漫賦

天家織女巧無端。剪落瓊花散渺漫。雨洗玉容原自潔。風揉綿力強成團。馬嘶山路愁蹄滑。鳥宿雲林怯羽寒。莫作尋常清冷看。光華壓倒萬重山。

十七日早發松林驛自賦

臘月十七五更發。霜華滿地粲如銀。人間使節經南詔。天上長庚拱北辰。白髮幾莖疏漸短。丹心一點壯尤純。暗將犬馬流年數。虛度韶光又四旬。

忠州弔陸宣公墓

東南山嶽降神奇。豪傑之徒世見之。正氣浩然天地塞。真才挺出帝王師。留侯學術推先步。賈傅經猷擬後追。志業未酬時不幸。空令千載起遐思。

奉天詔下泣癡疲。唐室中興藉論思。可恨奸諛惑淵聽。卻教忠義老江湄。九重倚想恩何薄。十稔徵書事已遲。一讀遺文數行淚。拜瞻松柏不勝悲。

官舸曉發過忠州。峽霧冥冥暗未收。遙問宣祠何處是。爲言荒塚此山幽。雲啣宰木千年恨。水咽清江萬古愁。汲取椒漿和淚奠。英魂尙鑒我心不。

南陀晚晴

東下雲陽舟似飛。南陀遙望翠霏微。層崖雨過添新瀑。孤館雲開映落暉。罷釣野翁攜蓆去。換鹽洞客背簑歸。一聲江上寒烟笛。吹落梅花欲點衣。

荊州寄沔陽林學正先生八首

景陵佳致古稱饒。誰識先生托養高。日煖玉沙娛雁鷁。風清沔澤弄鯨鼈。五華香屐穿青闥。三澁蘭漿擊翠濤。濟濟英才環丈席。皋比獨擁講離騷。

鄭虔糴粟官何冷。劉向傳經道自尊。學派滔滔三峽倒。詞源滾滾九江奔。仲尼魯史還添傳。陸羽茶經莫費言。共惜青氈久寥落。恐妨講席不能溫。

先生聲價重山丘。道德文章事事優。詩句雄深渾得杜。楷書遒勁酷如歐。衣冠肅肅朝忘倦。仁義孜孜日

不休。佇見歸朝作梁棟。許多棖桷次應收。
與君同業復同門。氣義何殊弟與昆。燈火三年恆共榻。江山萬里幾銷魂。肯教割席孤前志。須信彈冠副
後言。聞道明年春色好。早脩環珮謁天關。
幾年教鐸振南溟。著述應知汗五丁。風襲芹香沾丈席。雨深苔色潤羣經。鳳鳴曉日先揚彩。鶴舉秋冥預
養翎。太史昨聞占夢肖。江湖隱隱動文星。
寥落垣西食一簞。可憐兄嫂共相看。緼袍完補能防歲。魚酒香調爲敵寒。勸講夜分還煮茗。恤勞晝永更
加餐。十年契闊情無限。何日重逢恣論歡。
朋情真似膠投漆。交誼那論梗與萍。翰苑春風朝共挹。橋門秋雨夜同聽。年登四十頭先白。地隔三千眼
愧青。顏色幾回驚夢醒。分明猶爲講麟經。
仰歎世事夢初醒。憶著當年淚輒零。寒夜立深門外雪。春風聽徹坐中經。可憐公論十年定。應見忠魂千
載靈。半篋春秋誰爲續。門牆落落似晨星。

荊州觀李都堂詩和寄

仗劍飛霜振玉珂。馬頭到處頌聲多。三邊機務身籌畫。一面生靈手撫摩。北使有才梟虜魄。南巡無計逐
詩魔。昨來偶誦荊州集。更許誰人和郢歌。

夢感

歲癸酉春正月二十九日夜。舟次李陽驛。夢故兵部職方主事俞君元器生誕之辰。張宴高堂。諸舊友咸集。盃酒交酬。語言談笑。一如平生。情正洽。爲橈聲驚寤。不勝悽愴。食爲之不下者竟日。久之不覺聲慟。乃作詩以志其哀云。

一從扈駕陷邊城。徇國忘身大義明。形化九原魂不死。神遊萬里貌如生。俎筵夢裏逢初度。談笑樽前總舊情。忽被橈聲驚枕寤。撫膺竟日淚長傾。

書忠義事

正統十四年夏。胡寇也先率羣醜犯我邊庭。上親帥六軍征之。當是時。人皆知寇虜之勢。未易控扼。親征之師。不宜輕舉。非僉謀所同。無取勝之道焉。其扈從之臣。咸自分一死。矧兵部實總戎司。而職方又機務所係。元戎旣御。卒然誓師。職方郎中新安胡公永清當行。顧元器曰。從征分也。但苦於疾耳。君能我代乎。元器慨然曰。胥臣子也。奚不可之有。退而命家人具行李。裹糒糧。膏車秣馬。直趨駐驛之所。于時大司馬鄺公在師。凡章奏羽檄。及軍中機密重事。悉與籌畫。必假其手以成。晝夜累數百。應對如流。屬茲勞敝。飢渴失度。痢證乃作。猶力疾不輟。旣而幸少差。度其事。乃力贊大司馬勸上班師而回。弗果。遂陷沒于軍。於乎。若元器者。臨難弗避。竭力捍難。可謂誠於事君也。忘危守信。利害弗較。可謂誠於交友也。誠於事君。非忠而何。誠於交友。非義而何。忠與義。固元器之所素學。素存素行。非矯揉於一時者。古謂事君致其身。生死見交義。如吾元器。真可於古人中求之。於乎。今而復求敦古道如斯人者。可得耶。予於元器親愛如手。

足非他人比。故於沒後。每形於夢寐之間。儀容宛然。談笑如平生。豈無謂哉。是蓋予之心不能忘情于元器。誠積而形著。抑亦元器之忠肝義膽。未能暴白。而其英魂精爽。與造物者遊於冥冥之中。故累托於夢以自見焉。爾吁痛哉。予嘗欲狀其平生行實。鐫石于衣冠之墓道。以昭不朽。未克果謀。茲因志其夢。復感而作忠義二詩。以旌其心。尙俟太史采擇焉。

忠云

親扈鑾輿事北征。朔風一夕偃南旌。龍遊沙漠分當死。馬入穹廬義不生。勒劍志梟渠賊首。運籌力挽至尊營。滿腔忠血如雷吼。化作天戈殺虜聲。

義云

利害毫芒世所爭。君於此際更分明。只知信義泰山重。卻等艱危片羽輕。同事同官相友愛。一生一死見交情。坐令千載敦澆俗。太史操觚細與評。

過君山

宰制湖湘控上游。勢撐宇宙孰能儔。螺峯雲外青如染。玉柱天中翠欲浮。山氣遠連巫嶽雨。嵐光深逐漢江流。舟經不盡登臨趣。幾欲攀躋到上頭。

丁丑正月十七日迎駕

幸覩龍飛寶歷昌。人人歌舞太平鄉。乾坤再造光千古。日月重華照萬方。文武百僚新氣象。華夷一統舊

綱常自慚厚祿渾無報。願祝齊天聖壽長。

感懷初八宿張家灣

塵世飄蓬不自由。南來北往幾時休。浮雲偶爾乘風出。宿鳥猶知向晚投。忠孝一心圖報稱。功名千載欲貽謀。年來臆覺多歸夢。頻在桐江把釣鈎。

東光有感

當年兩岸百餘家。此日經過事可嗟。鬻子沿河輕似草。橫屍載道亂如麻。十門九突晨無爨。比屋連牆暮有鴉。幸際吾皇正宸極。會覃仁澤被幽遐。

與蕭都憲同發張家灣船不及以詩追之

陸辭聯袂下瑤天。十日齊開潞水船。行李滿期同載去。旌麾誰擬著鞭先。潞公鎮洛邦維重。司馬歸朝衆望懸。當宁需賢方側席。輜車不久定應旋。表表英才蕭大夫。皎如秋月湛冰壺。須知聖主圖新政。故遣賢臣鎮舊都。恩命頻占烏止戟。文明端見鳳棲梧。莫言此去江湖遠。好竭忠誠贊帝謨。留守南臺委近臣。曉辭天語重丁寧。綱維有賴元非舊。禮樂無才敢謂新。騏驥久欽超逸足。鶩駘深愧逐先塵。臺端暇日清如水。青眼能教顧我頻。

望德州二首

百雉孤城是德州。夕陽漸沒路悠悠。無端歸鳥投林宿。何處飛帆向岸收。心急不堪舟子倦。望懸擬到驛亭休。呼童繫纜須沽酒。對月清吟且自酬。

海岱雄封拱帝畿。春來景物漸融怡。夾堤楊柳窺青眼。出水菰蒲漾綠漪。江到曲時舟學寫。帆經直處岸如移。況逢聖主重光日。民庶熙熙樂盛時。

過故城卽事

積水初消地力腴。老農稱煖任耕鋤。郊原歷歷多生意。民庶紛紛緝故廬。天命久知歸正統。人心應遂樂華胥。經行喜見年光轉。四海咸歌化日舒。

中秋夜招周秋官小飲

天公有意賞中秋。撤盡閒雲雨漸收。玉魄皓當三五夜。冰壺冷浸十千州。忠懷喜玩東坡句。清興期登庾亮樓。近想故人能過我。一觴一詠爲君酬。

憩宿大勝寺會諸同年有作

歲戊寅閏二月清明。分遣謁三陵。乘馬出安定關。折西行十餘里。東風蕩寒。青陽卻煖。楊柳萌芽而未舒。杏花含笑而羞吐。卒然吟曰。柳眼窺晴開尙小。花容怯冷笑猶慳。至晚宿大勝寺。邂逅諸同年解鞍息馬。散步溪樹間。撫時育物之懷。欣然自得。於是各出所攜。對月浩飲。抵掌一笑。自以爲人世難逢也。旣而齋堂鐘響。擁醉入室。但見熒然一燈。且明且滅。猶足動乎情者。因賦一律記其事。復足成前韻。冀不負初興。

錄呈同年諸公。幸改教焉。

祇事山陵曉出關。無端春色翠微間。馬馳沙路穿雲穩。人向叢林步月閒。柳眼窺晴開尚小。花容怯冷笑猶慳。四郊民物咸熙皞。何借尊前一解顏。郊行暫息上方肩。春色三分最可憐。楊柳冒寒緣岸綠。杏花偷煖隔林然。梵鐘會食聞僧語。禪榻留燈借客眠。邂逅同年喜駢集。一尊沉醉習池邊。

用前韻酬張同寅

一天星斗耀疏櫺。宦邸孤眠醉未醒。禁木風摧宵瑟瑟。御溝水滑曉泠泠。濟時無策饜金紫。垂世何功汗簡青。虛度年華幾半百。移文愁動北山靈。夜靜書齋月透櫺。輕寒襲枕夢初醒。沉沉玉漏璫璣轉。淅淅銅盤沆瀣泠。銓鏡自慚迷黑白。功名寧許上丹青。幸逢聖主隆熙治。獲覩休徵致四靈。

近冬喜雪連日

三白冬前世所稀。于今頻見六花飛。周旋玉宇天容闊。覆被神州地脈肥。應喜來年民有食。卻愁窮歲士無衣。老子猶愧糜高祿。病骨何能贊化機。帝憫斯人俯鑒臨。不施珠玉雨黃金。欲爲明歲三農計。故落寒花一尺深。茅屋熙熙涵聖海。麥畦勃勃見天心。十年聖化同堯舜。行聽康衢擊壤音。

冬至日恭遇萬壽節朝罷有喜而作
陽氣初從子半回。祥輝南極照蓬萊。聖心允與天心合。瑞氣應隨淑氣來。嵩嶽三呼朝玉陛。雲韶九奏進金盃。皇圖願祝乾坤久。壽域長同日月開。

珠溪佳趣

聞說珠溪景趣幽。若人居此足夷猶。窗迎曉嶂排青闥。門掩晴江湛碧流。松暝時來雲外鶴。沙融每下海邊鷗。何當一鼓山陰棹。遍覽名區愜壯遊。

送內弟王仲啟

君來問我意如何。我贈君歸有甚麼。仁義傳家終有慶。詩書教子更無他。夢飛桐水看雲臥。酒酌秦淮對月哦。歸到吾廬如有問。祇今愁比向來多。

送鄒亞卿歸省五首

獻陵舊學老儒臣。餘慶悠悠裕後人。王祐功名遺魏國。仲淹事業付純仁。不緣閥閱徒干澤。自以文章早致身。京說幾年桑梓夢。承恩此日出楓宸。

忠孝傳家一寸心。明時位望重南金。朝廷禮樂經綸密。天下人才化育深。疏入九重推孝錫。帆歸兩浙播綸音。展楸好速歸朝馬。四海蒼生久望霖。

三朝德業士林推。早以清純結主知。議禮容臺資老練。論兵司馬歎精奇。思鄉日積心如渴。憂國年來鬢

似絲暫息塵勞歸故里。莫緣蓴鱸重淹遲。
三十年來畫錦歸。山川草木盡生輝。恩頒寶鏹香攜袖。敕賜金紗露染衣。仙壠薦馨新黍稷。華堂啓宴舊簾幃。茗溪風景渾如昔。坐卻令人息世機。
雙旌歸相韓忠獻。駟馬還鄉馬長卿。盛事喜看君獨舉。他年應許我徐行。露霑曉佩偏饒潤。月照秋江分外清。爲報同寅歸太史。恐妨親舊眷留情。

送劉憲副仗和提學于浙

學濟天人邁世才。官兼政教重行臺。衣冠兩浙多矜式。狂狷諸生獲取裁。馬過山川時雨潤。車臨郡邑惠風來。昨宵分野當牛斗。一道文光接上台。

送王留守之鳳陽

錦衣日侍大明宮。出鎮中都倚任隆。淮甸正資防禦策。蒼生應賴保釐功。旌麾擁騎恩波闊。鉦鼓開牙號令雄。謾把驪駒歌別酒。帝鄉花柳滿城中。

送尙寶蹇公致政回鄉詩二首

久典符臺近帝居。年逾七十遂懸車。功成身退心無歉。子貴孫賢樂有餘。騎別都亭花發後。帆歸巴峽水消初。閒邊詩酒堪娛老。世事悠悠任毀譽。

父子居官八十年。當今榮遇更無前。累朝誥命盈笥篋。再世功名在簡編。白髮荷君容納祿。黃金散客不

求田優游杖履桑榆景。時會耆英似洛川。

送徐憲副之廣東

蠻氛嶺外久縱橫。重爲行臺簡老成。撫馭少舒三尺法。招懷寧偃六韜兵。天書宣布恩波遠。海道巡行瘴雨清。萬里功名從此達。好輸忠藎答皇明。

送進士張翥歸蘇

三月風光滿帝畿。東吳才子晝遊歸。九重賸沐恩榮重。千里還思定省稀。江水迢遙懸晚蓆。山花明媚照春衣。到家喜慰門閭望。及早來依日月輝。

送劉同光祿展省南歸

南國重遊結契深。卜鄰寧肯惜千金。風晨時共尋蘭若。月夜頻過醉竹林。奏績喜承明主詔。還家得慰老親心。都門把手難爲別。好託賓鴻一寄音。

送劉太守致仕還南二首

吾嚴郡守泰和劉侯剛。始來作判七越年。清譽大著。民咸德之。乃狀其績。羣訴于都御史軒公。聞于朝。遂越級陞侯知府事。民欣欣若得父母焉。侯亦克體朝家意。赤子其民。夙夜弗怠。在任十有一年。民德之有加焉。茲考績赴天官。衆意其復來也。庶以終厥德。侯至一日。卽以狀乞歸老。飄然而去。噫。可謂知足之君子也。予嚴人也。雅知侯之爲人。簡而儉。謙而有爲。其得吾嚴民心者以此。

於其歸。能無一言贈乎。因成鄙律二首。輟而歌之。庶亦爲行李壯云。
判守嚴陵十八年。誰人不道我侯賢。家無刀劍庭無訟。衣有桑麻食有田。去任尙留遺愛在。還鄉贏得湛恩偏。鄰翁若問官資厚。試探囊中貯一錢。
一册勞書奏九重。翩然拂袖出城東。潁川野老猶思霸。渤海農民尙望龔。白雪遠衝歸路馬。青春遙逐渡江鴻。自來明哲如君少。唯有廬陵六一翁。

送沈憲副之浙江

中臺典憲久馳聲。臬府超遷簡俊英。露下九天霑寵渥。風行兩浙會澄清。薊門柳嫩青難折。吳曲桃鮮紅自迎。此去好平三尺法。大施霖雨福蒼生。

送鄭侍御巡按江西

青年甲第挹書香。執法中臺倍有光。白簡久看持正色。皂囊每見抗封章。霜經南國秋聲肅。雨過西江春意長。此去功名知遠大。澄清端不讓張綱。

送王選夫赴廣西戎幕

幾年贊畫殿炎方。藉甚聲華遠播揚。雅量邳超難獨步。清才謝石擬同芳。雨飄薜荔侵書潤。風挹芙蓉入幕香。奏績重看歸帥闕。青春作伴快南翔。

送人教諭南陽

霜黃露白菊初芳。送客都亭酒滿觴。袖挹天風辭北闕。鐸銜時雨過南陽。講餘午帳芙蓉煖。課罷春盤苜蓿香。近日儒官多顯用。會收梁棟入岩廊。

送張參政還山東

職佐旬宣屬老成。三年奏最出承明。朱袍象笏恩波闊。玉露金風爽氣清。薇省晝閒知政體。棠陰春藹識民情。青齊父老思君切。馬首壺漿到處迎。

送吳璘秋官考績還任

粉署仙郎玉不如。才華藉藉重當時。文章南國知無敵。政事西曹屬有爲。奏績五雲辭闕早。承恩一馬渡江遲。功名盛世歸年少。擬展絲綸入鳳池。

送南監先生

承恩曉發向南都。共喜賢關拜宿儒。官系玉堂新寵渥。教施璧水舊規模。雪飛燕旆馳單騎。風指江帆泝隻艫。遙憶橋門迎望久。衣冠濟濟樂樞趨。

送劉淵明教授開封

不羨紛紛競利名。寒氈偏喜一經橫。中山樂育人才盛。汴水超遷吾道亨。獻策昔曾追賈誼。說詩今復見匡衡。十年故舊重驚別。把酒歌驪無限情。

送楊憲副之廣東

黃甲曾題姓字香。烏臺聲價豈尋常。久知清白如楊震。還喜功名似范滂。豸出中朝新雨露。馬臨南海舊風霜。難兄德業關人望。擬見聯班侍玉皇。

送都綱一元還姑蘇

暫違蘭若謁金扉。稽首翻然返翠微。錫杖謾從天上下。衲衣遙向月中歸。焚香說法蒼龍聽。揮塵參禪白鶴飛。借問遠公何處住。烟霞縹渺隔林霏。

送洪繡衣

臺端振肅久馳名。按節滇南荷寵榮。萬里馬蹄經貴竹。三秋豸角照昆明。風臨郡邑炎氛熄。霜壓邊疆瘴氣清。白簡相傳自諸父。知君不負舊家聲。

送何黃門歸省

夕郎才望賸光輝。祿養慈親志不違。分得天廚時入饌。賜來雲錦每成衣。金門懇疏思鄉切。寶鑑頒恩買棹歸。明到故園春未老。潘輿遊處正芳菲。

送南京儀曹李郎中之任

出入勤勞人共賢。承恩曉陛下南天。郎官五品躋華要。禮樂千年任講研。雲霧鍾山之舊國。雨添潞水上歸船。此行更望成嘉績。會見徵書向日邊。

送鄭司訓景常之鉛山

除書新捧出彤墀。此去優游樂更宜。風月無邊頻酌酒。江山有興一題詩。杏壇教化千年範。湖學規模百世師。結髮交遊今白首。臨行執別意遲遲。

送劉盡心南歸

青年自得琴書趣。壯志還爲京國遊。辭氣雍雍資世澤。衣冠楚楚壓時流。雲霄奮翼非難事。道義持身不外求。聖代只今揚側陋。詎容徐穉老南州。

送江贊禮歸南京

冰壺標格迥無雙。喜際明時列奉常。雅志素諳周禮樂。清才尤識漢文章。祠庭贊導心逾謹。官守寅恭職更揚。奏績九重歸舊國。潞河水滑快南樑。

送人赴河陰典史

送別都亭曉色侵。迢迢匹馬向河陰。晴空遠逐王喬鳥。靜日閒聽子賤琴。蓮幕風清紅滿院。桑田雨潤綠成林。更聞民俗多淳朴。惠政應孚百里心。

送宋宗魯江西僉憲

共羨開元相裔孫。外臺超擢自黃門。螭頭簪筆傳天語。豸角峨冠荷上恩。霖雨萬家齊樂業。風霜千里獨乘軒。錢君卻憶當年事。攜手看花醉杏園。

送金太守致仕還鄉三首

作郡功成奏九天。急流勇退共稱賢。衆方競進無虛日。君獨懷歸不待年。錦帳平分秋月去。緋袍遙帶御香還。更看家學光前武。燁燁丹雘在日邊。

三十年前託契盟。宦遊中外兩懸情。盍簪尙有青瞳在。把手空驚白髮盈。顧我不才猶戀祿。羨君未老便辭榮。都亭祖餞難爲別。回首城頭月正明。

投紱歸來力尙強。尋山問水任徜徉。蘭橈夜月歌牛渚。藜杖春風嘯鳳岡。萬斛塵襟絃上瀉。半生詩債醉中償。始終名節如金玉。誰許移文近草堂。

送陳教諭之長洲學

教鐸初懸出禁城。東吳士子喜陶成。經橫泮水芹風潤。帳啓鱣堂杏雨清。安國至今存軌範。元龍自昔足家聲。正逢儒道興隆日。試取長才爲一鳴。

送嚴州方醫官

醫傳三世共推賢。妙得靈樞意外玄。指下膏肓無遁迹。囊中咀咬不論錢。黃堂譽重封章達。丹陛恩深衣錦旋。歸到嚴陵三月半。杏林春色正鮮妍。

送臥雪處士南歸三首

行義鄉邦夙所推。都門相會忍相離。葭莖不棄朱陳好。松柏能堅管鮑知。桐葉凋霜人去早。稻花含露雁歸遲。江南風景還如舊。好折寒梅慰所思。

千里相將入帝鄉。荷衣懶惹御爐香。偶看鸞鳳儀天闕。卻憶鴛鴦在野塘。桂子風中歌別酒。蘆花浪裏促歸航。故園親舊如相問。爲說黃門底自忙。

臥雪先生樂隱淪。山中習靜自怡神。酣歌菊徑柴桑客。笑傲桐江粟陸民。放鶴幾回過夜半。釣魚不覺到通津。漢廷禮樂還耆舊。未許鷗波老此身。

送人官大理府

歛陽萬里副車通。蠶爾烝黎久望公。禮樂衣冠歸化域。桑麻禾黍滿提封。舟經巫峽三春雨。馬入滇池五月風。此去料應多惠政。行看奏最大明宮。

送徐太守之臨洮

椰榆剖竹出臨洮。遠郡于今得俊髦。坐見六條興德化。行看五庫偃弓刀。佩辭魏闕分時雨。馬入秦關擁畫旄。同事春官經歲月。相違不覺意忉忉。

贈樊景瞻參政之河南

簡任方隅輟近臣。聖皇深念在斯民。藩屏中土資良佐。霖雨蒼生體至仁。秉筆記言風彩舊。建麾作牧寵光新。多君素抱巖廊具。暫出還當侍紫宸。

送徐侍御巡按廣東

堂堂才氣繡爲衣。按節巡行出帝畿。鐵豸帶霜辭北去。玉驄嘶月向南飛。尉佗遺種沾新化。桓典風流振

舊威擬見聲名騰海外。廟堂虛席待君歸。

贈國子助教姚先生考績還南京

開元賢相有雲孫。太學橫經費講論。六館春風陶禮樂。一團和氣盎乾坤。昌黎去後官何冷。安國來時道自尊。奏績曉辭丹鳳闕。諸生鼓篋候橋門。

贈鄉友徐明德僉憲江西

青年衣綉出蓬萊。臬府遙從翼軫開。霜帶豸冠衝暑去。雨隨驄馬應時來。巡方好展澄清志。按法須資練達才。更喜同官多宿彥。聲華不日到金臺。

贈人致仕歸杭

秋盡黃花見落英。掇來滿泛贈君行。眼寬不覺塵纓脫。身倦唯知宦業輕。肘後有方能卻老。尊前無事足娛情。吳山風物多佳致。鳩杖盤桓懶入城。

贈梁侍御便道歸省

狀元孫子綉衣郎。玉節皇皇出建章。故里經遊榮畫錦。高堂稱壽慶霞觴。龍章鳳詔恩波闊。鶴髮童顏歲月長。忠孝兩全誰得似。廟廊虛席待回翔。

贈吳給事歸省

玉皇案吏富才猷。詔許寧親寵渥優。氣節堂堂知國體。封章凜凜爲民憂。雲飛故郡三山曉。月帶歸帆一

路秋省罷還朝春正好。姓名早見覆金甌。
清芬久播玉塔前。暫輟螭頭予告還。五色書函天上寵。百年人樂地行仙。錦衣便作斑衣舞。春酒頻爲壽
酒傳。珍重榮歸無以贈。一枝香雪入詩篇。

寄諸生

槐花黃動試期催。江浙文場八月開。十一府人俱奮志。二千舉子盡英才。月中丹桂連根拔。筆底長虹信
手裁。老我南宮惟側耳。捷書先託便鴻來。

寄林先生培之

莫把閒愁惱素懷。好將襟度強舒開。功名未際不須計。命運有時還自來。地僻喜無車馬雜。庭空應少簿
書催。況聞田野歌豐歲。頻坐花陰整玉徽。

寄納言布政

綸音初下士林誇。方伯榮膺遠拜嘉。盡道一門官最盛。那知六世慶元賒。承宣南國三千路。保障東隅百
萬家。好布公忠作霖雨。遭逢慎勿負年華。

寄贈咸寧唐大尹

制錦偏承雨露恩。琴堂喜得莒公孫。鳧飛南國花盈縣。雉哺東郊柘滿村。勸學曉寒臨講席。省耕春暖駕
遊軒。鳳毛池畔揚朝彩。勳業應知萃一門。

送俞少傅養病歸

聖主龍飛任舊臣。金鑾時沐寵恩新。鬢添華髮因憂國。病入中年便乞身。祖道盛供疏受帳。故鄉好薦季膺尊。尙調元氣歸來早。應念吾皇盼望頻。

奉寄叔父寧津公

六載無由獻壽杯。笑顏頻向夢中開。焚囊贖喜承家教。代政殊慚相國才。一職近依青瑣畔。寸心遙望白雲隈。清朝未許投簪紱。何日林間杖履陪。脫卻朝衣臥草萊。白雲深處獨徘徊。庭前有菊還栽柳。窗下無花只看梅。蘭砌羣孫朝戲舞。香山諸老日追陪。天邊徒切承顏念。一望鄉關腸九回。一自嚴庭殞落暉。誰憐慈母抱孤兒。不因盛德滯雛翼。那使微才接鳳池。貽訓何當安石意。推恩未足五倫私。幾回夢斷桐江月。一抹疏雲雁度遲。

寓東朝房寄憶納言詩序

予每作詩。憚於思索。故不能出奇新。往往提筆伸翰。輒欲強就。故多鄙拙。夫辭弗工。務以情勝。思未到。要以力成。正如不善養氣。徒義襲而取之。非集義所生也。且予年四十。已有六十之態。聰明不及前時。精神虧於往昔。讀書過口。輒忘。遇事轉頭便失。眼已生花。杜少陵所謂老年花似霧中看了。未老已然。據理斷事。偶中二三。援例稽法。百不得一。矧當強仕之年。已有厭仕之意。凡百類

此豈惟詩乎哉。吾弟質強志銳。吾將望以成大事業。振大家聲。毋徒依依於故林舊水。放情暢懷。以取自樂而已。匡國安民。允惟斯時。宜敬爾心。速爾駕。以從王事。以供天職。未可遲遲其行也。詩多眷懷期望意。尙繹予衷。未揆何時相慰也。

平生苦愛對牀吟。萍跡那堪商與參。琴匣幾回開復掩。自從相別不成音。別來不覺歲侵尋。兩地相思一寸心。南北驅馳雲樹渺。孤鴻寂寂恨偏深。我去金陵君在闕。君歸梓里我來京。夜牀風雨情偏切。春草池塘夢不成。秋風宜買浙江船。整肅衣冠覲九天。姓字久爲當宁識。濟時須仗出羣賢。

和錢學士韻

奉詔南遊氣象都。遠人爭迓玉堂儒。天恩寵眷真奇遇。海國翱翔屬壯圖。風采曠看驚異俗。文章那肯易明珠。歸朝贏得清名滿。試探行囊一物無。鑾坡曉下出京都。爲撫蠻邦簡駿儒。車服皇皇昭寵數。山川歷歷按輿圖。行邊賸有陳孚稿。囊裏應無馬援珠。聖主恩威覃海外。越裳奉職古來無。

和楊內翰詩韻

翰林編修楊君守陳。以易經中浙江鄉榜第一。登進士第。文章詩詞。爲時推重。今年同母弟守陞。復以易經中鄉榜第一。而從弟守隨中第三十八。一門兄弟。先後爭光。誠古今所罕儷也。編修君

始得報喜不自勝。發諸吟咏。捉筆伸翰。甫成首聯四句。適司寇陸公攜酒來賀。欣然誦之。公遂足成末聯四句。爲七言律詩一章。編修君寫卷持示諸縉紳。索和弗工於詩。願與君同。而兄弟科名亦略同。安得不一和之哉。工與不工。未暇計耳。呵呵。

君家種德百年來。三鳳連飛上玉臺。翰苑摛詞推獨步。鄉闈掄秀占雙魁。明庭喜獲聯環璧。大廈須求合抱材。更看春風動桃李。九重先聽一聲雷。

和納言布政見寄韻

邇者承賢納言布政。寄近體詩一章。情義俱至。且云疾中令子書之。信然。予自納言去。心憤氣促。皮膚發癢。塊漸成燥癢。殆今未甚愈。數上疏乞歸不得。遂誠無顏對羣比共處。雖然。天道好還。姑俟其定。乃用原韻勉和五首以復。唯納言開心擴懷。舒布四體。勤勤於山涯水際。歌風嘯月。以洗胸中查滓。庶幾神清志適。形骸快朗。邪慮弗能干。塵痾釋然而去矣。何必藥石爲哉。幸留意萬萬。翻思往事每酸辛。誰信清朝有放臣。自古浮雲能蔽日。于今朔雪太凌人。也知正論諧時寡。最恨淫朋作梗頻。累疏乞骸天聽遠。夢魂千里未歸身。高齋閒念獨悲辛。菲德叨居厚祿臣。禮樂未能敦古典。功名深自愧前人。髮莖日短俄驚變。帶孔旬移不覺頻。潦倒徒爲時輩誚。九重未許乞歸身。早年志業最勤辛。慨慕當時社稷臣。科甲迴看先衆士。才猷元肯讓多人。弓蛇悔不臨期審。市虎其如說

者頻。誰道蒼天渾莫省。江湖空老濟時身。
風波宦路熟艱辛。勇退何如明哲臣。不待白頭辭顯位。
且從綠野作閑人。詩書賸有佳兒繼。尊酒曾無俗
客頻。我欲歸來守初約。世間那得百年身。
底把閒情獨苦辛。古今多少去來臣。天機動處誰爲力。
命運通時不在人。風月莫教詩酒曠。江山須覓宴
遊頻。胸中浩蕩寬於海。珍重千金再召身。

壽楊尙寶母夫人

時光正值暮春天。阿母欣看啓壽筵。鶴髮縷分雙鬢淡。
鳳袍錦簇百花鮮。杯浮琥珀香沾袖。曲粲珠璣韻
度絃。禁署賢郎遠席下。遠將詩句慶長年。

壽黃亞卿母八表

春日春花春宴新。高堂偏稱慶生辰。擬將東海長流水。
奉向西川不老人。命服晴輝金孔雀。彩庭朝舞玉
麒麟。百年康健常如此。眼見孫玄繞膝巡。

題紅梅寄新安汪老人

誰把機心奪化工。冰姿點出小桃紅。香唇肯向風前露。
醉臉偏於雪後濃。林圃影橫甘獨老。傅岩未好恥
盲功。慇懃千里爲君贈。夢入先塋思不窮。

先人大痛有感

天奪吾親何處求。長懷罔極意難酬。生前獲奉一杯飲。沒後那論萬戶侯。衣被深仁臻位顯。沉酣厚祿爲誰謀。荷蒙聖代推矜卹。紫誥重封賁若丘。仙遊一去杳無踪。黯淡乾坤此日逢。兩歲孤兒今白髮。百年荒塚已蒼松。夢魂徒擬形容似。裸奠猶聞警咳濃。祿食忍爲妻子奉。九原甘旨問誰供。

酬高太博

承高太博惠家鄉酒。爲銷暑之具。且賀舍弟榮陞。有不避親之言。因作詩酬其惠。且以解嘲。酷暑公堂坐未回。案頭無柰簿書催。便思赤腳踏冰去。忽報青州從事來。喜對尊壘新得月。免教喉脛卒生灰。何時有暇乘清興。邀取故人懷抱開。公道誰云可避嫌。況於爲國在求賢。祁奚仗義先推午。謝傅忘親首舉玄。譽謗似難箝衆口。是非應見定他年。也知菲薄當銓轄。不卹人心祇畏天。

疾嗽百日有感而作

閱世看看六十秋。四朝恩寵老難酬。榮華富貴眼前事。功業文章身後謀。恤緯尙慚嫠婦志。捫天徒抱杞人憂。也知造化難爲力。藥物區區勿妄投。

敏孫勸予復進藥因諭以平生事

病軀猶自早趨朝。苦戀君恩敢憚勞。虎拜幸瞻天表近。龍飛快覩日華高。勉脩藥物扶殘喘。尙冀葵誠補

一毫生死古來原有命。底將心事付兒曹。

病起

逢時碌碌度年華。花甲周流似轉車。兩足不隨身入步。一心常逐夢還家。國恩鄭重人空老。世態倥傯日已斜。病骨未容投絨去。強顏食祿謾咨嗟。

挽趙秋官二親

脫屣塵寰已有年。高名猶自里中傳。原田春雨耕犁歇。宰木秋風客劍懸。世澤尙存書屋舊。家聲重見桂枝聯。遙聞隴上焚黃處。箇箇靈芝長似拳。

挽吳都御史母

高堂福壽氣雍容。鶴髮龍章兩受封。禮度相夫齊八表。義方教子已千鍾。綵輿忽報春遊晏。畫翣空憐曉障重。諭祭特頒襃恤典。始終良荷聖恩濃。

挽聶大年先生

胸中風月浩無邊。每見詩文世共傳。詩逼蘇黃氣吞海。文追韓柳筆如椽。芹宮久惜淹胡瑗。史館方看得馬遷。才未及施人已化。士林誰不一潸然。

挽鄭都憲父

南渡移家數百年。先生行誼獨超然。一鄉古道推陳實。滿架遺書屬鄭虔。吳曲俄聞鯨化去。孤山空見鶴

飛旋賢郎功業昭當代。死贈生封慰九泉。

挽李通政

清才已簡九重知。廊廟功名定可期。豈謂急流身退早。俄驚華表鶴歸遲。銀臺佐政人猶惜。青瑣封章草
尚遺。羣行不須煩太史。好書明哲墓前碑。

挽蕭員外父雲山先生

八袞恩封五品官。鄉邦欣羨士林難。正宜萊砌春娛暖。豈料春庭夜怯寒。詩禮有人應可託。雲山無主許
誰看。賸留遺德昭珉碣。生也光榮死也安。

挽定西侯

天生上將佐明庭。智力英雄薄衛青。叱咤風雲銀壁晦。指揮熊虎鐵戈腥。南蠻望幟先褫魄。北虜聞風已
遁形。殺氣不隨生氣滅。塚頭猶自畫冥冥。

挽張御史父

跋涉風波八十秋。歸來高臥已山幽。調施不吝千金橐。談笑曾經萬戶侯。渭北飛熊宜協夢。遼東化鶴忽
成愁。空令月旦評高誼。應似當年陳太丘。

挽劉侍郎母夫人

名門毓秀更柔端。闡範賢明世所難。萬里成家還致富。一經教子已居官。庭前萊服春娛暖。堂背萱花夜

怯寒。昨日南橋焚紫誥。餘光猶自賞青巒。

挽龔御史父

會借牛刀試武城。折腰那忍負平生。掛冠高臥水雲處。閉戶不驚風雨聲。恩錫豸衣緣有子。魂歸蝶夢竟無情。欲知世德傳鄉里。請聽淮南月旦評。

挽孔刑侍

宗盟闕里豈凡材。飽歷風霜內外臺。北鎮總戎寒虜膽。西曹執法息奸謀。諸公爭爲巖廊薦。一夢俄驚梁棟摧。萬里襄陽歸櫬日。白楊粲粲不勝哀。

挽洪職方父

高世無心利祿謀。水鄉雲壑恣優游。鳳來不爲蒲輪出。鶴去俄驚蕙帳愁。竹徑棋枰苔自掩。草堂琴案月空留。麒麟塚上新題碣。人仰高風似太丘。

挽施尙書

天生間氣邁常流。身際明時五十秋。一代英賢推柱石。兩京聲價重山丘。都官忽訝亡羊侃。司寇應嗟失爽鳩。盛德由來宜食報。賢郎式克紹箕裘。

挽耿尙書

文章慘淡夜何其。梁木云摧勢莫支。一段忠懷那復得。百年清操竟成咨。恆齋惟有匡時稿。遺篋曾无鬻

俸貲餘行不須煩太史。清忠好揭墓前碑。

挽高學士尙書

地挾江淮鍾秀氣。時逢明盛發英賢。文章一代經邦國。德業千年照簡編。鳳去向顛霖雨望。鶴歸俄惜棟梁顛。不才無補慚知己。徒自臨風一愴然。

挽張侍郎母

北堂寂寞夜何其。百歲歡娛事已非。無復潘輿過院落。空留陶範在庭闈。生封死葬恩何渥。子貴孫賢世所希。玉瘞泉扃神去遠。瑤池笙鶴幾時歸。

挽吳黃門祖父母

大神山下鬱蒼蒼。雲谷高人此處藏。黨遂不忘延塾教。鄉鄰還憶濟貧糧。名傳月旦逾時重。澤演詩書再世光。已有文孫顯朝著。薦承鸞誥賁玄堂。傳聞懿德女中師。壽福兼隆世所稀。每以慈仁親里族。自將禮法肅庭闈。祥臻萱閣融融養。芳滿蘭階奕奕輝。百歲光陰塵夢斷。瑤池阿母共西歸。

挽柯學士父

不貪鍾鼎臥林泉。道誼悠悠晚益堅。教子早登金馬署。荷君重賜綵鸞箋。鄉邦無復儀刑在。月旦猶聞姓字傳。終始哀榮膺異數。總知爲國克生賢。

挽劉憲使父梅莊處士

西風昨夜掩梅莊。人去猶存雪後香。一脈詩書傳子姓。兩封官誥荷君王。青山杖履空岑寂。白社衣冠竟渺茫。寧遠遙看埋玉處。雲林佳氣晚蒼蒼。

挽人父

隱君高遁在慈溪。行誼應爲衆所推。無歲不登鄉社飲。有懷頻誦考槃詩。恩封正擬百年養。夢斷俄驚五夜悲。回首四明何處弔。淡雲一抹翳靈芝。

挽芝軒

先生臥嗜北山薇。一夕莊園夢不歸。有子正宜三釜養。無緣竟與百年違。空留詩句題芝室。那復綸巾款竹扉。懷德高原埋玉處。猿啼鶴怨自斜暉。

挽人母

夫榮子貴際昌辰。翟履珠冠荷寵新。鼎饌頻供三釜祿。板輿時度百花茵。秋風忽隕忘憂草。夜月空懸不老椿。忠孝郎官淚成血。烟雲扶輓入西秦。

挽人詩

僑居閩越故侯家。伉儷齊賢事足嘉。百歲鄉邦稱懿範。一門詩禮是生涯。身歸泉穴乾坤老。墓拱松枝雨露賒。更有賢郎才器遠。功名行見振京華。

姚文敏公遺稿卷之五

七言絕句 恩榮十絕

禮部觀榜

虎榜初開霽色新。豪華濟濟欲爭春。誰知久困橋門客。卻作南宮第一人。

丹墀對策

綸音渙發曙初分。伏對丹墀日未曛。十載學成經濟策。從頭因得獻吾君。

玉陛傳臚

五色祥雲捧日明。九重隱隱聽臚聲。自慚菲薄叨陪列。卻羨馮京獨擅名。

金榜題名

長安高掛黃金榜。御筆親題墨尚鮮。莫笑龍頭讓人去。如何兄弟姓名聯。

恩頒寶幣

鏗頒五錠價如千。換得烏紗拜九天。莫把此爲觀美具。好脩德業繼前賢。

宴錫瓊林

賜宴瓊林得志春。宮花插帽帶橫銀。醉歸按轡長安道。盡訝蓬萊仙島人。

釋奠先師

德高萬古人心仰。道濟三才廟貌尊。末學登庸惟聖澤。禮行釋菜敢忘源。

勒石太學

聖代恩隆進士科。勒名國學意如何。要期事業光前哲。千載芳聲不可磨。

觀政天曹

視政天官地位清。紛紛多士聽銓衡。雖然未與箇中事。黜陟幽明已可評。

榮食天祿

十載寒窗事簡編。喜叨三釜代耕錢。信知書有千鍾粟。絕勝城邊二頃田。

蘇武李陵泣別圖二首

磨盡旌旄死不遺。窖中萬苦獨君知。如今遠返歸期節。把手臨分歎別離。
十八年來共旅羈。送君恨恨不能辭。早知今日分攜意。肯樹當年降虜旗。

奉教戒再吟一首以樂老母之心

老親常恐醉醪醕。不信痴兒志氣高。時值太平端可樂。彩衣戲罷舞金袍。

題紅梅寄臥雪翁四首

寒葩分得西湖種。植向桐君藥竈傍。一夜東風丹走卻。染成點點絳桃香。

可是東君檢點差。無端冰骨着丹砂。北人不識江南意。疑道春前有杏花。
孤高標格許誰同。每向閒邊露化工。雪滿乾坤成獨立。醺醺酒暈玉顏紅。
素性本寒非豔質。偶乘陽腳笑東臯。商家調鼎功可錄。帝賜脫白加緋袍。

食九弟所寄潮魚詩以謝之二首

幾年不食家鄉味。想煞桐江舊釣磯。一尺潮魚千里念。弟兄情分世應稀。
潮魚雖短味偏長。珍重君能遠寄將。嫩韭蒸來香滿口。一餐午膳倍尋常。

百日哭女淑卿

淚盡肝腸老眼枯。焦熬兩鬢只頭臚。空勞魂夢存形影。會到黃泉相見無。

送袁學正之廣德學二首

貫得燕姬麴米春。東風餞別柳條新。酒瓶易盡情難盡。月上城頭正惱人。
送客城東酒一杯。溶溶春水綠於苔。片帆遙指桐川去。杏樹壇邊花正開。

送友人之官二首

雪消鵲鵲春光轉。雨沐園林物色多。濁酒傾情須引白。江山風景馬頭過。
京城共聽元宵雨。驛路獨看楊柳風。河洛冰澌船尾滑。鶯花撩亂渡江東。

寄南京李通政二首

十年道誼重交遊。幾度分攜幾度愁。南北各天勞夢想。楚雲燕樹兩悠悠。琳館瑤宮賞玩時。青山綠水總成詩。衣冠彷彿耆英會。此際知君有所思。

己卯人日穀日二首

正月七日是人日。乾坤到處皆春色。惟願吾皇萬萬年。四海九州歸壽域。人民總以穀爲天。穀日欣逢霽景鮮。從此豐登應有兆。萬方同樂太平年。

謝納言寄羔裘并致懷二首

遠寄羔裘念我寒。着來偏稱跨朝鞍。應當愛惜如平仲。二十年來還共看。人生出處苦難齊。每向東風憶起居。若問阿兄何所似。鬢邊華髮漸蕭疏。

題扇

一篲一笠磯頭狹。獨立手繪春水滑。寄語當年彈鋏人。食魚那如取魚樂。

寄芮都憲防邊有績二首

滿面風霜殺氣多。腥胡頸血染天戈。況今五路兵齊合。不日旋師奏凱歌。手握邊城百萬兵。登壇叱咤鬼神驚。天驕不敢窺涼肅。戰士韜戈事野耕。

會同年于宋給事宅

元日同儕宴樂頻。百年盛事一朝新。諸君休作等閒看。十五歲來人幾人。

瓊林一自宴初闌。雁影東西幾度寒。多謝君能尋舊約。頓令風彩動長安。少年豪氣貫青旻。上苑流鶯並轡聽。百五十人今幾在。不堪落落似晨星。宴集同歡氣味投。高風不減曲江遊。要知盛事垂千古。須把文章託狀頭。

題雪坡二絕

天雨瓊花作玉坡。先生此際趣偏多。任他黨氏羊羔美。其似陶翁風味何。子猷放棹剡溪夜。孟光騎驢灞水時。萬象乾坤同一色。梅香月淡入吾詩。

新正夜與吳姐夫對酌有感

一夕相歡百歲同。燈花搖落酒杯紅。醉來不覺情懷闊。俄聽譙樓報曉鐘。醉中把酒不勝悲。強自開顏勸一卮。明年此際知誰在。欲與君歡未可期。此夕與君歡笑開。沉沉更漏苦相催。百年情好誰能似。明歲望君君尙來。

勉袁生

莫謂青年未及時。光陰過隙似駒馳。古來樹業皆英妙。慎勿蹉跎自悔遲。

題竹

兩竿碧玉倚晴霄。秀發新枝拂斗杓。不學羣芳競春媚。要看晚節共秋高。

題竹畫二首

三五琅玕也自奇。移來庭畔最相宜。休嗟老榦擎雲重。還喜新梢帶露滋。
春雨桐江竹數竿。夢中時爲報平安。何當脫卻朝衣去。獨倚雲根恣嘯看。

寄憶

萬里艱關憶故知。那堪大道更多岐。明朝獨上滇南路。回首山城有所思。
日日催車望晉陽。攀南斗挹瓊漿。琴書已逐驄蹄去。留得清風滿路香。
共說君才邁等夷。雅懷無處不相宜。高山流水詩千首。明月清風酒一卮。

張飛廟

雲陽州郭枕江流。夾岸重巒翠欲浮。多少英賢住巫峽。虎臣香火獨千秋。

高塘驛

當年宋玉賦高塘。神女應憐夢楚王。暮雨朝雲魂不改。陽臺草色自淒涼。

過忠州捐廩米一石興先賢祠二首

予過忠州。弔唐陸宣公墓。慨想英風。徘徊久之。因訪李吉甫、白居易、胡旦、諸賢。皆謫宦是邦。曾有
祠否。曰故有。今廢矣。予曰。盍興舉乎。僉曰諾。予顧檢點行囊。廩米一石耳。遂發去。以爲張本。復作
二詩。以勉其成。毋徒畫餅爲也。

忠州自昔萃名賢。祠宇淪堙屬幾年。喜遇關西良太守。會看輪奐美於前。

諸賢行業昭當世。千載英風起後人。珍重廣文昌古道。能令廟祠一時新。
人有求爲吳太伯之後者弗諧。

一自文身竄海東。遙遙華胄強求通。乞哀昏夜曾何恤。寧似當年讓國風。

送王生文冕赴浙江鄉試

蛟龍海底不知深。罟得珊瑚價萬金。珍重待時須什襲。休將光景露山林。
少年挾冊覲明光。天欲成材不小量。大比正當歸去日。桂林高折一枝香。

六月二十一日雲布不雨

酷氣炎炎播旱塵。生民憔悴廢農耕。老天空有爲霖意。底事東風不作成。

姚文敏公遺稿卷之六

序

送唐大尹致政還桐廬序

君子之仕也。行其道也。行道者身。身者智與力之萃也。智足以知之。力足以勝之。斯政修務舉而官不弛。職不曠。道於是乎行焉。苟吾智力不足以將之。懵懵焉其昏。靡靡焉其憊。殆猶盲者之御六馬。跛者之致千里。鮮有不敗者矣。是故君子揆吾身之可以有爲也。則爲之。不可則鞠躬以退。智周吾身而已矣。力衛吾身而已矣。身之外不暇及也。孟軻氏曰。壯而行之。老則退而休之。亦惟以身之壯老爲進退之幾焉爾。嗟夫。今天下士麗於宦途。而不爲盲者跛者幾希矣。又孰能知壯行老休之義哉。吾桐廬教諭唐君子昌之令臨安也。有子民之心。愷悌之政。不爲赫赫之勢以凌下。不爲皦皦之行以干名。逮及六載。政成化孚。民固冀其終厥惠也。今年述職上京師。喟然曰。知足不辱。知止不殆。老子之訓也。吾年餘六望七。揣智度力。亦可已矣。顧復覩顏奔走于車塵馬足間。夫何益哉。吾於桐之士子。恩義頗篤。吾將營菟裘以老焉。庶乎不愧止足之義。而於身爲得。狀入不可。固以請。吏部以聞。遂浩然歸。凡桐之士。宦游京師。出其門者。相率來請文以贈。予觀唐君年不爲老。智不爲耗。身強貌腴。尙足以有爲也。乃不謀之妻子朋友。一旦決意而去。豈無所見哉。駕飽帆于大江。一息千里。非不快也。苟昧於所止。怪風作而魚龍翔。驚濤鼓

而夕陽下。咫尺嶼岸。欲挽有不能矣。悔將奚及哉。於乎。如吾唐君者。可謂見幾明決之君子也歟。抑唐君生于靖。靖在湖之極邊。與蠻壤相犬牙。其地產金星銅豆水銀丹砂。而不于其人。君能拔其陋。而囿其子孫于文獻之域。亦豪傑之士哉。吾桐父老子弟。尙當以禮相遇。忽訝而外之。庶幾忠厚云。

送呂進士任進賢序

進士呂君廷和。授江西進賢令。命下。人皆惜之。子獨爲之喜。惜之者謂廷和問學充博。識見卓越。志大而器不凡。親承天子策問。擢置甲第。顛顛昂昂。以之筮羽鷓斑。贊襄鴻化。固其宜也。一旦爲縣令。奔走下風。汨於簿書期會之間。不其爲左乎。此其所以惜之也。乃若予之所喜。則不然。夫士貴行道。道之行莫先及民。天子作民父母。愛莫如民。然不能自致於民。必下之六部。部不能自致。必下之藩司。司不能自致。必下之郡。郡不能自致。於是歸之令。令於民最切也。朝行之則朝及於民。暮行之則暮及於民。大施之則其澤大。小施之則其澤小。不必轉相傳遞。而造化在其手。士無志於行道。則已。苟有志於行道。宜莫令若也。矧方今用賢。出入均勞。德業著於內者。或俾之分制外任。功業顯於外者。或拔之贊署內職。是故縣令有稱譽者。未嘗三年淹也。小而繡衣郎署。大而六卿佐貳。卽用於外。亦在藩臬郡守之任。若是固比比然也。令何負乎士哉。顧爲士者。未有志乎行道焉耳。如吾廷和者。年甚妙。素有志於道。今其爲進賢。固將有以行其志。達其道焉。至於官之內外崇卑。非廷和計也。明矣。他日政成名著。志遂道行。又焉知不躍然高舉。如前所云者哉。予烏得而不喜也。彼惜之者。計其近而不量其遠。非知吾廷和者也。廷和吾鄉故家子。尊府

爲良醫。命廷和讀書於崇德沈氏。沈爲汝州守。以其女妻之。遂以沈姓登第。今復姓呂云。

送戶部尙書張公致政還鄉序

大臣之進退有道乎。壯而行之。進以禮也。老而休之。退以義也。進退大臣有道乎。引年而去。則錫之車馬。仁也。若不得謝。則賜之几杖。義也。夫大臣進退。旣進乎禮義。而進退乎大臣者。又極夫仁義之歸。上以道揆。下以法守。此其爲有道之世哉。我國家以仁義培植士大夫。至深且厚。百年于茲。故士大夫爭以禮義自濯磨。而進退去就。皆有道於乎盛矣。若今戶部尙書鄢陵張公志通。壯年以經學登進士第。拜吏科給事中。久之進都給事中。不三月。擢戶部右侍郎。尋奉勅總督京儲出納。公會計當。弊革蠹除。上下稱便。自是十六七年之間。京師倉廩充物。天順改元。以禮退休于家。三閱年。詔特起公。陞左侍郎。仍總京儲。未幾。遂拜尙書。彌縫缺漏。經畫益密。委積陳陳相因。至無所於容。奏增置廩二百餘楹。厥績茂矣。在任幾六載。賜誥命。加封三代。如所任官。今年公六旬有七。口曰。吾聞老子云。知足不辱。知止不殆。吾年雖未至耄。以止足自戒。遂懇疏乞骸骨。上念公精力未衰。且以其老成清謹。慰勉留之。旣復閱其勞勩。不欲拂其情。徐下詔。聽致仕以歸。其眷戀不舍之懷。展轉至三。於乎。上之恩禮大臣。始終優渥如此。可謂仁之至。義之盡也。公獲命。不勝欣躍。拜舞丹陛下。翼日載行李出都門。公卿大夫供祖帳。餞送東城外。車蓋如雲。觀者如堵。莫不咨嗟歎息。謂漢之二疏。復見於今日。何其榮且幸哉。公之進退。始終不愧乎道如此。可謂以禮義自將者矣。今其歸也。金風載途。玉露濡轡。乘辭廣德之車於梓里。尋白居易之社於香山。桑榆悠悠之景。

彌長。几杖休休之樂未厭。教子孫以詩書。迪後學以忠孝。吟風嘯月。游詠太平。身山林而心朝廷。如古之人。一飯不忘乎君者。終其身未已焉。公可謂純古君子也歟。予與公仕途相守二十有餘年。豔公之歸。惜公之別。且覲朝家所遇公之厚。愴然有動于懷。欲尾公而去。不可得也。遂書以爲贈。

送南京禮部尙書鄒公之任序

成化三年九月。南京禮部尙書缺。吏部以聞。上命禮部左侍郎鄒公宗盛往蒞其任。公卿大夫莫不歡然相慶。以爲宜。予獨不爲之喜。或問予曰。鄒公恭慎小心。端飭檢約。其先大夫事仁宗皇帝于春宮。公不藉階梯。奮然讀書。取進士高第。其爲人可謂賢矣。列屬夏官。不六七年。陞右侍郎。未幾轉禮部左侍郎。迄今且六考。其歷年不爲不久矣。祖宗典制。在朝公卿。雖皓首有不能悉。公歷歷記憶。論事輒有依據。故禮儀雖叢脞。而處之裕如也。其政體不爲不詳且熟矣。今茲之舉。人以爲晚。子獨不爲之喜何也。予曰。不然。聖天子嗣大歷服。求賢圖治。宵旰未遑。凡老成人。亟欲置諸左右。或拔之於藩臬。或召之於邊鎮。或起之於山林。所以資其匡弼。用其謨謀。而冀臻於至治焉耳。如鄒公者。何可去哉。敬供朝夕。而忠勤可以事上。多歷年所。而老練可以鎮物。博物洽聞。通達典故。可以斟酌禮度。粉飾太平。如吾鄒公者。使其在藩臬。在邊鎮。在山林。尙將汲汲召之不暇。而去之其可哉。南京雖根本。而地散官閑。奚事公爲。予少公五春秋。而衰邁日甚。矧鄙劣無狀。不足以職朝廷大禮。朝夕惟公是倚。而乃去予。是予所深懼也。夫安得爲之喜哉。或曰。鄒公資望及矣。可久居人下乎。與其居此。將不有牛後之歎乎。予曰。是未知公者也。公在仕途幾三十

年恬澹自默。退然若無能爲。使其矜能銜智如小丈夫。登隴斷以自私。則豈待今日哉。其進退高下。未足以輕重也。較然矣。於是或人斂衽曰。此非區區所能知也。雖然。予將歸老有日矣。他日安知上不速公歸來耶。時羣寮來設祖宴于後堂。聞予言。合詞請爲公贈。乃欣然爲之書。

贈莫同知之重慶序

干將莫邪。世稱爲寶劍。以其能剗重犀。不重犀謂之非寶劍。可乎。驂騮騏驥。世稱爲良馬。以其能行千里。不千里謂之非良馬。可乎。世稱佳士者。懷經史。飽問學。富文章。而具進士才。不進士謂之非佳士。可乎。夫科目以收豪傑。天下豪傑。未必科目所能盡取也。豪傑由科目所得。科目所得。未必能盡天下豪傑也。但取才之法。以科目爲準的。仕進之途。以科目爲階梯。是故進士之科。雖見重于古今。而豪傑之才。固有不準的而進。不階梯而升。功名事業。著于當時。垂于後世者。抑何可限量哉。錢塘生莫琚季珍者。故監察御史源之猶子。聰明秀傑。端慎凝重。苦志力學。攻文章。從予授春秋魯十二公之本末。二百四十二年之行事。王伯義利之辨。夷夏內外之分。筆削予奪之嚴。毫分縷析。鈎深探玄。洞見聖人心法。於幾微之際。其爲文章。舒徐而不肆。謹嚴而不拘。歌鹿鳴而來。再辭乙榜。卒業太學。陶礪薰炙。益大有所造就。今年會試禮部。不但季珍以進士自期。而士林之望屬季珍者。不啻魁一經而復第在乙榜。則又不但季珍失所期。而衆亦失所望。莫不爲之惜。未幾謁選天曹。考其文。濡筆立就。襃然前列。遂擢重慶同知。重慶四川大郡。其所轄方州三。縣十五。同知二。於守其秩五品。爵大夫。居守之貳。臨郡之大。議政于黃堂之上。與守相可。

否。而州伯縣尹奔走承順于下風。其職不輕而重也。較然矣。士釋褐爲大夫。雖不得爲甲科進士。而甲科進士。固不得躡階而至大夫也。其得失彼此輕重。必有能辨之者。曾可謂吾季珍不進士。不甲科。而非佳士豪傑也耶。將來立功名。建事業。令聞勁操。洋溢遐邇。外之若守若藩。內之若部若寺。循階而上。未有不造其極。光輝遠大。騰芳遺休于無窮。不必重犀而知干將莫邪之爲寶劍也。不必千里而知驪騮騏驎之爲良馬也。不必甲科進士而知季珍之爲佳士也。豪傑之才也。於乎。唯敬慎可以守官。惟志節可以律身。惟仁與信可以得民。季珍勗哉。尙無忘于茲訓。朝士有請予言爲季珍贈者。於是乎書。

贈司訓王君之桐廬序

吾嚴人才。自昔甲于兩浙。而吾桐廬亦不出他邑左。今進士科獨淳安爲盛。而吾桐何先後不相續也。夫士資品不甚殊也。地里不相遠也。山川清淑不甚異也。顧學與不學耳。師道得人與不得人耳。往年淳之人才中輟。得松江王先生來。人才勃然興。故累科多得人。王先生之功也。桐之人才久否。得楊李二先生之功也。古謂師道立則善人多。詎不信然。夫君子公天下。不能不私于父母邦。曩予在吏科。吾桐缺教諭。擇衆中得莆田陳先生。以道誼立教。出其門多顯宦。庶幾二先生風采焉。及予在吏部。吾桐缺教諭。擇衆中得一人。吾以爲陳先生也。顧所以爲教者。不由于道誼。人才於是乎陵夷。於乎。何知人之難哉。雖然。待文王興者凡民也。豪傑之士無文王猶興。則吾桐之弗振。豈惟師之咎哉。士亦未有能自振拔而奮起者。苟有自振拔而奮起者爲之徒。又有道誼之師。如楊如李如陳者爲之範。奚淳之足多讓哉。己丑會試。名

在乙榜者。羣然辭不就。限於令弗能釋去者。若將赴于湯火。日就予訴。予曉之曰。士不擇官。焉知屈之非伸乎。願自待何如耳。師何負於人。百數十人皆斂衽退。中見一人精銳雄邁。知其異于他。徐而察之。懷安王君廷用也。遂因吏部達于上。授吾桐訓導。廷用鳳陽世家。厥祖以武功爲福州中衛千戶。廷用生兜盾中。刻意問學。通春秋經。領鄉書。辭乙榜。期決勝茲科者。乃以限年就職。吾桐之士何幸哉。且福之春秋與吾嚴皆專門。林源清先生與吾朝陽先生同以春秋鳴世。而家法各有在。大抵春秋當以左氏爲案。胡氏爲斷。庶幾不出聖人範圍。苟不按左斷。胡飄飄若浮雲泛梗。無有底極。鑿空索隱。務奇巧以爲能。非徒得罪聖經。且將誤後學不勝其患矣。非知春秋者不可以語此。廷用源清先生派也。載是以往。吾桐士子其有所依歸乎。他日人才復盛如昔。闐然於六邑之右。而甲于東南。固於廷用是行卜之。吾桐士子尙勉之哉。

贈林惟臣大尹之任鹽山序

人之賢。不必其名之太顯也。名太顯。則衆之所望必重。所望重。則人之所忌必深。忌之深。於是有齟齬於其間者矣。然非有卓然高邁之士。知之明。信之篤。鮮不迷於所忌而失其人焉。以孔子之大聖。而見尼於晏嬰。孟子之大賢。而見沮於臧倉。雖有景宣之庶幾。亦莫如之何也已。吾故曰。人之賢。不必其名之太顯也。吾友林君培之。世家新建。自幼聰敏絕倫。負志不凡。讀書窮晝夜。隆師親友。日刮月磨。及領鄉書。上禮部。名隱隱動羣輩中。及登太學。大司成安成李公。少司成毘陵趙公。聞其名。雅相敬愛。於是六館之士。翕

然推重之。時予與君同受業。忠愍劉先生之門。先生於君。尤所器重。既而再試春官。得副榜第一。衆愕然。失望。君恬不爲意。就眉州學正而去。未幾丁內艱。調沔陽。其在眉也。眉人樂其教。而思之如慈母。其在沔也。沔人樂其教。去而如眉人之思。蓋君平生忠信剛毅。正大光明。又濟之文章政事。故其教人。條約不繁。夏楚不施。自然薰蒸透徹。而入人深也。是致川廣之間。藩臬大臣。交相稱美。下至閭閻市井。皆知其名。去年秋。考績上天官。京師大夫士。識不識。悉斂衽加敬。君之名於是益彰大。時有詔選教官爲御史。人羣然出聲。謂君堪其任。當道者顧疑而忌之。遂弗果。衆不爲平。君坦然不一動其心。君直爲累也。夫俄而人有薦其才德者。天子試於庭。今太子太保吏部尙書鹽山王公得其文。驚且歎曰。果失斯人哉。所謂名下無虛士也。遂銓其邑之令。於是衆又咸服太保公之明且信。惜乎其不早耳。嗟夫。以君之才德。負斯名。宜不爲過。人固庸忌之。而俾不得爲顯官。名果足貴乎哉。不有太保公之至明至信。察其爲人。於衆望羣忌之中。則君子之實。幾爲人所毀。尙何名之獲全耶。今雖不得爲御史。而得爲賢令尹。又見知於天官。而擇以治其邦。名益以白。其爲賢尙多矣。昔孔子疾沒世而名不稱。予於君之行。重有感。夫名之過盛者。且以告當道者。必因名以求其實。如太保公可也。

贈德州袁學正克和之任序

德州昔周尙父太公賜履之域。其人強鷙。喜誇詐而尙功利。在春秋之世。以孔子之聖。而歎變道之難。蓋文武之德。澤旣泯。而僖桓之伯。習難除也。洪惟國朝聖化涵濡。勃然丕變。自我太宗文皇帝定都北京。德

之爲州。密邇畿甸。水陸交衝。遂爲京師左轄重地。非特典州牧者任難其人。至於典教之官。尤非匪人可任。且官以學正名。非苟然也。風化係焉。人才關焉。必率之以道德。而有以正其行。啓之以理義。而有以開其心。導之以禮樂。而有以閑其志。迪之以文藝。而有以振其華。嚴之以條約。而有以繩其違。變強鷙爲淳粹。化誇詐爲朴實。去功利而趨仁義之歸。庶幾哉。典教之責無愧焉。於乎。斯豈易言哉。吾鄉袁克和氏。年壯而志高。質溫而氣粹。自幼從予出入庠序間。有師友之分。予甚愛而重之。暨予竊祿于朝。而克和益自淬礪。問學日富。文章日工。隱然名動郡邑。累抱藝試有司。輒不偶。人皆爲之惜。而克和每以自咎。或歸之命。克和笑而不答。則其優游涵養而蘊蓄於中者。有非人之所能測也。今年春。隨例貢春官。兩試翰林。而文皆合程度。遂拜德州學正。旣軼。有知己者語之曰。德州地要。人悍而難教。先生何所執持以往。克和曰。吾一書生。荷朝廷作養有年矣。凡所聞於父師者。無非聖賢道理。外此未嘗一啓齒。舉武以貽父兄師友。羞今雖未能盡得此道理。決亦不敢違道棄理而他之。矧叨服寵光之命。往典教事。所賴以隆教者。有督學之用。在吾知以吾聖賢道理。教吾徒而已。餘復何計。知己者歎曰。袁先生之言博矣哉。天下莫大乎道理。道理在則所謂德義禮樂文藝條約之屬。安往而不在哉。將見德之風俗。由此而不丕美。人才由此而聿興。苟使典州牧者。知所敬信焉。又烏知政治不由此而善乎。或以是言告諸損庵。不以爲言之過。遂以爲贈。

賀翰林商編修榮任序

古大賢君子。明德勳業。雋偉光明。悠久完美。雖本其心術學力所致。要亦有賢子孫克紹先猷。故能保大持盈。演其聲光於無窮焉。若伊陟象賢。召公作考。韋賢之有元城。李吉甫之有德裕。范仲淹之有純仁。呂夷簡之有公著。其哲父令子。先後作述。揚芳邁休。卓卓爲數千百年奇事。是皆有關於國家運化之隆。夫豈偶然之故哉。翰林編修商懋衡。乃兵部尚書兼翰林學士素庵先生仲子。惟先生以三元入翰林。登內閣。文章道德。獨步當世。退居涪安山中。一臥十年。夷明養晦。以道自樂。未嘗有幾微餒乏色。聖天子圖任老成。遣使徵起。翻然來歸。俾服舊政。尋陞大司馬。朝夕左右。謨明弼諧。不動聲色。而天下以安。未嘗有毫髮矜銜態。進退從容。寵辱不驚。其勳名德業。何其偉哉。懋衡早承庭訓。崛起賢科。改庶吉士。讀書玉堂之側。獲從夙儒碩彥遊。磨光刮垢。日就月將。德學粹成。迥出倫輩。考居優選。遂拜翰林編修官。在朝卿士大夫。莫不以爲榮。謂予宜有言以賀。竊惟國朝氣化隆盛。綏致太平。盈百年于茲。士以文學臻大用者。不無其人。求其三元入躋台鼎者。蓋未有聞也。父子前後顯融者。不無其人。求其一時聯輝玉署者。尤未之見也。昔王曾以三元爲宰相。似矣。曾之子。亦未聞有同游鼈禁者也。於乎自宋迄今。五百有餘歲。而□□□□□□於運化之隆。而致是哉。懋衡年妙而志高。端純雅飭。器識宏遠。其能趾美芳躅。克紹先猷。審矣。尙當益懋厥德。勵厥志。學不局於粗淺。要進之于道。與德行。不安於卑陋。要必本之孝與忠。政不祖於功利。要必歸之仁與義。夫然□將見勳名德業。前輝後裕。軒輊穹壤。燠灼古今。豈范呂諸公父子所能專美于前哉。懋衡其尙勉之。

賀趙上舍母六旬詩序

母婦有賢德。上足以相君子。善名行于始終。下足以淑子孫。保世業于悠遠。吾於南宜人見之。宜人春坊諭德國子司業。毘陵趙公之配也。世家保定唐縣右族。秀慧端靜。工容異他女。時公教諭保之慶都。遂歸焉。宜人產于北。良未喻南俗。而能以禮治家。奉宗祀。撫卑下。饌賓客。周恤窮匱。悉臻于道。公因得盡心教事。致名譽。居無何。擢翰林待詔。尋陞國子司業。拜春坊諭德。天下人才矩度焉。公固曰。吾官中外幾四十年。無內顧憂者。皆吾室之善助也。夔嘗遊國子學。忝居館下。最爲公所愛重。每歲時。獲拜宜人于堂下。宜人喻誨之。如公意。去茲餘二十年。公與宜人之德。未嘗不往來于懷。今年春。承乏禮部。公之子仲壽以上舍生聽選。天曹來言曰。吾母壽屆六旬。兩承封命。四月二十九日。實初度之辰。已獲歸省之告。諸縉紳咸賦詩爲壽。願先生一言弁諸首簡。生將裝潢成軸。奉歸而歌之。以薦壽觴。噫。予豈惟欲有所言。殆欲與仲壽同奉觴於子弟。列不可得。夫五福莫先於壽。乃人子祝願其親之至情。然必歸有德。非德則壽固弗之屬也。以母婦言。端莊靜一者壽。柔嘉溫淑者壽。孝友恭敬者壽。仁慈溥博。勤慎周密者壽。南宜人備厥衆善。上以相公克樹名德。下字仲壽。克紹家世。則其德足以膺壽考。而壽考之屬也。宜矣。吾聞人年六十爲下壽。八十爲中壽。百二十爲上壽。宜人由下壽荐登中壽。以及於上壽。將有不可遏者焉。審如是。非特符宜人之德之福。實有以慰仲壽祝願之情。而夔之欣頌當何如哉。爲之詩曰。唐有山兮嶙峋。唐有水兮回縈。篤生宜人兮。秀孰與京。配君子兮。宜其家人。穆如清風兮。肅肅儀刑。德周于身兮。諸福駢臻。兩承恩命。

今翟冠珠纓。時維四月。兮景物明。式逢初度。兮壽六旬。華筵肆啓。兮龜鶴呈。有子克肖。兮仕籍通名。陳懋列。愫兮獲歸甯。喜動縉紳。兮洋洋頌聲。予沐嘉惠。兮敢忘情。敬歌南山。兮祝遐齡。

慶俞母壽八旬詩序

母氏者。以有子爲樂。以教子爲賢。以子貴爲榮。有子而不知教。樂矣而未爲賢也。教子而未及貴。賢矣而未爲榮也。母氏者。樂而賢且榮。三者萃于一身。世亦不多見哉。刑進士俞澤之母太孺人袁氏。生丈夫子六人。長文凱。次文和。又次文德。文政。文敷。澤其季也。太孺人中道失所天。親教諸子成立。知澤器不凡。遣入邑庠。從明師游。飭勵無所不至。澤遂以明經登甲申進士第。大書慈侍于殿錄。高揭進士於門閭。播揚姓名于海內。人皆知太孺人之教所致。而稱爲賢母。何其榮哉。澤入政有日。其志將以有爲也。第以孺人在高堂。故身雖在於北闕。而心實懸曳于白雲。往還之頃。謂報國之日。舒以長。事母之日。促以短也。遂上疏懇乞假歸。旣得請。且以明年二月八日太孺人八旬初度。徧謁諸縉紳。詩什。至期爲壽。俾予序之首簡。夫壽爲五福之一。生于樂。萃于賢而享于榮。今太孺人生有六子。森然如玉。可謂樂矣。又能均其教訓。底于有成。不亦賢乎。遂致季子顯于甲科。共食天祿。不亦榮乎。諸福備于厥躬。天年臻于遐壽。有由然也。詩什之作。珠玉鏗鏘。歌以侑觴。洋洋盈耳。太孺人必心益神怡。體履佳裕。且將登于百年之上。壽未已焉。他日子復歸朝。服爵膺寵。龍章紫誥。錫命有加。霞帔珠冠。光融無比。晚福鼎盛。抑有待哉。庸預書以爲慶。

慶王仲啓壽五旬詩序

予內弟王仲啓暨其配陳。今年八月中旬。俱五十初度。其子楫。聽選天官。弗克膝下。舉觴奉二親歡。南望白雲。悵然不自安。跪告予曰。夫爲人子者。能奉親一日之樂。雖千鍾之祿。弗換也。願乃以瑣瑣名利。而棄弗爲。是彼昧夫輕重。而不知義利之辨。則已稍有知焉。肯若是乎。卽欲投牒歸去。予從容謂曰。子姑已。韓子曰。子在京師。父母雖有離憂。其心樂也。樂之者。樂其子之有事于公朝。知名于當世。得天祿以爲養。居天職以爲榮。故菽水之薄。淡而不厭。定省之曠。安而自若。割目前之恩愛。期遠大之顯揚。人子體其心而勵其志。一旦拜官九重。錫有嘉命。脫白換綠。捧檄榮歸。喜溢親顏。光生閭里。奉卮酒。學煇爛之舞。消離恨。作歡會之娛。近而迎養。遠而分祿。子之孝可伸。親之願始畢。如此不其偉歟。楫聞之。欣欣若自得。乃命工圖祝壽狀。徧求諸薦紳大夫詩歌。裝潢成軸。將附歸諸弟兄。以侑觴。是日也。吾知華筵肆啓。賓親滿庭。祥煙飄而瑞鶴降。仲啓夫婦並坐高堂。諸子若孫。羅拜先後。霞盃舉而樂聲和。載歌是詩。颯颯乎洋洋乎。心融意暢。初不知子之在京。而乃所以爲樂也。猗歟美哉。仲啓敦行孝義。陳克相厥家。皆壽考之徵也。予老塵羈。弗克與賀席之末。行且致政歸來。尙當長歌一詩。爲六旬之慶。姑序此。爲他日張本云。

慶盧安人六旬序

安人盧氏。予故友福建按察副使瀘安周公弘璧之配也。素以賢德聞。自公讀書第進士。宦遊兩京。出佐行臺。名譽勃勃士林間。無有瑕玷。安人贊相之力居多。友公沒。安人益清苦自勵。撫諸孤皆成立。家業賴以不墜。其賢德益彰焉。今年十二月六旬初度。其子恬以天順己卯鄉貢進士登大學。弗獲膝下奉卮酒。

爲歡。乃默禱於天。以祈安人壽。且詣予求所以祈壽之說。歸以侑觴。予曩爲吏科給事中。時副使公爲秋官員外郎。相與比屋以居。予先妣申屠夫人在官邸。公與安人事之如母。及卒。安人哀送于城外。非賢而有德能爾乎。此情固未嘗釋去于懷。況恬又以爲請。豈容已於言乎。唯人子於親之壽。若非可祈也。而有可祈之理焉。夫昭昭者天也。人稟命于天。以生者壽也。壽命于天。天賦之渾焉。曷嘗爲之加減也耶。唯有德者能順承天意。養之以和。保之而不傷。故下而六十。中而八十。上而至於百年。此數之期也。人子欲親之長壽。安其體。樂其志意。以其飲食供奉之。俾之有以保養其天和而不戾所賦。又慮無所憑藉也。乃禱于天。天監在茲。因之而篤佑者有焉。此理也。非勢也。今恬祈母壽于天也。其用心誠。但無以加。宜天有以監之。而安人之德。又足以膺天所賦。吾知駸駸壽考。期頤可必矣。況恬也。才器已成。出仕有日。行將題名黃甲。羽儀天朝。安人重承紫誥之封。坐享天祿之養。天之錫福。豈有涯哉。庸書此以俟。

慶申屠孟吉甫八句詩序

吾母申屠太夫人弟孟吉甫。明年正月八句初度。其配方安人。九月亦八句有二。甫與安人俱康甯強健。耳聰目明。有丈夫子五人。孫男二十餘人。夫婦偕老于一堂之上。如古柏蒼松。婆娑相倚。子孫盤旋于兩座之間。如瓊枝玉樹。芬芳相襲。誠人世之嘉瑞。鄉邦之奇珍也。考之譜系。江南世德之家。莫如申屠氏。遠者不可得而知。自夔五六歲時。隨侍大夫人歸祀其先祖。獲覩甫之父思道翁。世父思讓翁。古貌深衣。巍巍如兩泰山。可敬而不可玩。宗族衣冠數百指。禮義雍雍。如樂之和。如春之溫。何其盛哉。去今五十春秋。

二翁不可作矣。甫與其弟孟章甫。且弗如二翁之在當時焉。夔竊祿于朝。叨備六卿。先後幾三十年矣。大夫人違養且久。顧未裨益于母黨之親。視古人庇及九族者。恆自愧也。茲遇甫與安人同躋八袞。享有多福。豈特歎羨欣慕之而已哉。謂渭陽之詩不能無長思永感之懷。雖乏車馬瓊琚之贈。抑豈無所將其情哉。屬官守之戒嚴。慨宦羈之難解。當春日載陽之候。其心融融。何以致春酒于庭前。及秋菊載馨之時。其心肅肅。何以奉霞觴于堂下。敢効一得之愚。爰伸千里之懇。辭非瑚璉。拾砒硃以成章。句匪珠璣。瑕魚目以增價。於乎。天地有限。此情無窮。托便鴻以南翔。望雲山而頌禱。華筵肆啓。歌以侑尊。嘉慶同臻。天年齊永。詩曰。申屠自漢著徽稱。狄蒲潺潺演派泓。禮義一門遵族範。詩書百代亢宗盟。夫妻同壽天爲合。子姪承歡世濟亨。八十春秋人未老。三千歲月果初成。堦前龜鶴迎仙珮。塵外松喬獻壽觥。滄行醉鄉無彼此。惠風漑邑靡枯榮。也知積善來餘慶。信道爲仁錫永齡。秦晉殷勤何以贈。杞周眷戀若爲情。春風絳蠟光陰茂。秋月黃花景物清。賓友滿庭嘉樂沸。桂蘭繞砌綵衣輕。嗟予空貯悠悠思。千里歌詩効寸忱。

梅愛處士十詠序

吾桐廬申屠氏克昌甫者。世居深溪。好古樂道。不嗜進取。以天下之物。清雅拔俗。莫如梅。乃手植于庭曰。是吾友也。其高尚之志可見矣。甫之子宗啓處士。敦朴守素。讀書循禮。唯肖。因自號曰梅愛。或問之曰。愛生於情。凡血氣之物。有情能愛。梅植物也。無情。顧能愛人耶。謂之梅愛。何居。處士曰。人之所愛。莫如父母。父母之所愛。莫如子。故孝子之心。不特愛父母之身。凡父母之所愛。若車輿犬馬婢妾之屬。靡不推其所

愛而愛焉。不以存沒遠近有間。曾皙嗜羊棗。曾子不忍食羊棗。羊棗何情哉。顧曾子之於親。見其所嗜。如見其身。方且撫視。隱泣之不暇。安忍入諸口。蓋其心殆不於我有情於羊棗。真若羊棗有情於我也。曾謂梅不於我有愛哉。況天地萬物。皆一氣所爲。有是氣則有是情。彼日月風雲雨露山川草木禽獸。類若於人不相關也。及其相遭相遇。氣觸懷感。莫非情之所寓。情之所寓。則愛惡欣戚。於是乎形焉。曾謂梅不於我有愛哉。且夫冰肌玉骨。非相悅也。紫萼青枝。非相好也。唯夫淡月西垂。疎影橫窗。清風徐來。暗香入戶。時也。梅愛我乎。我愛梅乎。巡簷索笑。南枝獨親。曳杖沉吟。東君助興。時也。我愛梅乎。梅愛我乎。至若標榦奇怪。韻格高古。凌寒展芳。先天下春。其超軌獨步。殆示我以尊嚴非乎。綠葉陰陰。青子纍纍。可以調羹。可以止渴。其含生濟用。殆示我以仁義否乎。凡我先人所取益於梅者。悉於我致之。其所以愛我者。誠無二乎先人也。嗟乎。人之所愛者甚。祇見彼之愛我。不見我之愛乎彼也。烏論其情之有與無。在遇不遇耳。苟得所遇。雖異類若同體。失所遇。雖骨肉爲仇讎。物皆然。豈惟吾與梅哉。此區區自號之意然也。或人聞其言。斂衽再拜曰。噫。唏。是非予所知也。走以告諸損庵姚子。姚子曰。假無情之物而寓有情之親。不泥于物。于以表智。不忘乎親。于以表孝。一舉而二善併焉。處士其賢乎哉。因作十詠以歸之。

四明月湖陸氏宗譜序

刑部尙書四明陸公。以其所修月湖陸氏宗譜示予。且屬爲之序。肅觀畢卷。歎曰。盛哉斯譜。仁義藹然矣。按江南之有陸氏。自都尉始。其後一分爲四十九支。再分爲二十九支。月湖陸氏。則自侍郎支。由山陰再

徒而來者也。上沂都尉蓋千有餘年。其間以文章道德功業自見於世者。不可覩縷數。於乎盛哉。公月湖五世孫也。蚤承父兄之命。究心於譜。殆四十年。始克因厥遺緒。詮次成編。然必先之舊譜諸序者。明作譜之權輿也。次之史傳記載者。著姓氏之源流也。又次之郡縣及世表者。見門地素望有在也。於是爲圖以詳世系焉。其爲圖也。準歐陽氏五宗九世之法。推而上之。則見其本之所自出。遜而下之。則見其支之所由分。愈推則愈高。而尊尊之義昭。愈遜則愈卑。而親親之仁溥。譜法莫備於茲矣。復以行實見於翰墨間者。係之。則又推譜之餘意也。嗟夫。譜豈易言哉。自大小宗之法廢。而尊尊親親之道。所賴以不墜者。推譜牒存焉耳。至宋歐陽氏推本年表。著爲圖譜。而後譜法有定論。蓋得大小宗之遺意也。近世士大夫家。鮮知講及於此。間有及者。或牽聯附合。如翦桃接柳。氣味不相入也。或填隙補空。如斷港絕潢。脈絡不相貫也。渾淪者苦繁蕪。簡略者病枯索。大率無徵無法。譜云乎哉。夫圖永傳者貴乎有法。計後信者貴乎有徵。無法不足傳。無徵不足信。公之是編。世系雖遠。斷自月湖。始遷爲適。則有徵矣。譜牒雖夥。本於歐陽氏格律爲正。則有法矣。是誠足以傳永信後。視彼穿鑿謬戾之習。豈不徑庭哉。公德量弘深。問學淵懿。高才雅識。當世獨步。宜其所成之不苟也如此。是編成。不特陸氏子孫有以興起其尊尊親親之意。引而勿替。而四方士大夫。苟有敦仁義重本始者。且將於此取法焉。庸序以歸之。

劉文介公文集序

古今文章家。無慮數十百。求其有裨於道而不爲空言者。漢董仲舒、賈誼、司馬子長、唐韓退之、宋歐陽永

叔數人而已。夫文章載道之器。不深於道而言文章。是徒言也。惡在乎其爲文章哉。日月星辰。天之文章。以其能照臨也。山川草木。地之文章。以其能生養也。六經聖人之文章。以其能明人倫。資治道也。是爲文章之本原。道之至極者也。若董若賈若司馬若韓若歐陽諸賢。其文章或以闡道鳴。或以衛道著。或因文以見道。或於道不相悖。咸能發揮天地之蘊奧。嚆嚆聖經之膏腴。是乃文章之精華。所謂有裨於道而不爲空言者也。漢以下千有餘年。文章可稱道。而遵信者不過是數人。其他作者。非無浩瀚博洽。崛奇古怪。而去道或遠。君子不之取焉。我國家文運休明。道隆千古。郁郁乎其盛。金華宋景濂氏。以文章佐太祖開創之業。廬陵楊文貞公。以文章輔列聖太平之治。見諸制作。著之事功。一皆本於道。而非空言爲也。繼是作者固多。若故太常少卿春坊大學士贈禮部侍郎諡文介。吉水劉公宣化。亦豈易得哉。公弱冠中鄉試。家居積學二十餘年。一旦登天子之庭。大啓昌言。鋪陳治道。遂魁天下多士。其文章固已驚動一世。及入翰林。官駿崇。文章益顯。四方學者仰之如泰山北斗。得其片言。如寶拱璧。日應所求。戶外接踵。其文章流布海內。日加盛焉。蓋公之文章。得於該博之學。發於正大剛方之氣。揮毫振辭。始若弘放無涯。終則斂歸實理。故論性命則極夫天地陰陽之妙。論道德則本乎人倫日用之常。論經學則易之圓。禮之方。詩之可樂。春秋之可畏。融通變化。左右逢原。於乎。是豈空言者哉。惜乎未及柄用。大展所學。以潤澤天下。不能無憾焉。公歿十有二年。同年總督兩廣軍務左副都御史韓公永熙。廣東左布政使張公廷璽。恐公文章散漫無傳。乃卽其家搜輯遺稿。雜爲若干卷。各捐俸直。命工鈔梓。以託不朽。謂夔亦忝榜末。而以序屬之。願

予惜于道。焉能序公之文哉。雖然。都憲方伯。並以文章事業顯當世。其於文介之集。不自序而推以讓予。議相屬也。焉敢辭。遂僭書其首。

修撰王惟臣父輓詩序

封翰林編修錢塘王公汝民卒于家。鄉人奔走哭。訃聞京師。朝士大夫悼惜。作爲詩輓之。積盈卷帙。其子修撰獻俾予序之。夫死生晝夜耳。殆無足異者。朝士大夫獨於公悼惜之。至形於聲而爲詩。如此之衆。且多也。予嘗觀世之人。有恨其人之不死者。有以其人之死爲幸者。有生死不足爲欣戚者。閒有動於情。發於聲。而爲詩。求其悼傷痛惜之意。蔑如也。是蓋因其人之善惡小大。而好惡淺深係之。惟精動于衷也。深聲發於外也。切悼傷之不足而痛惜之。真有挽留而不可得之意。求之鄉。鄉人如是。求之國。國人如是。求之朝。朝士大夫無不如是。非有完德厚善。及於人而信於衆。烏能臻是哉。噫。此編修王公之卒。所以見悼惜于人人。而致輓聲如此之多也。公儒而醫者也。本之以忠信。達之以仁義。故醫道益昌。而惠及於人者益廣。鄉鄰懷之不啻也。郡邑懷之不啻也。遠近貧富咸懷之。積厚而發光。培深而蔭茂。致有令子以文章顯于朝。紫誥榮封。輝騰玉署。此固朝家酌賢勸能之彞典。而天之所以報施德善者。蓋不誣也。然則士大夫悼惜之深。而哀挽之切。又奚足怪哉。嗟夫。蒿里之於庶人。非不哀也。薤露之於王公。非不傷也。然不過泛焉感慨。人之死生。初非有德善之足悼惜也。豈若是什之作。歌詠悠揚。意哀思怛。足以發公潛德之幽光。致千百載而不泯也哉。是宜序之以見作者之意。

郝淑人李氏輓詩序

有輔相君子之德。而成教子之道。非母婦之賢不能也。婦焉相其夫。至於顯榮。而或昧於教子。母焉教其子。至於成名。而或缺於相夫。二者克備。而得母婦之道者。吾於郝淑人之賢有取焉。淑人。吾同年南京工部侍郎郝公廷器之配。戶部主事冕之母也。方侍郎未第時。經學苦莫指授。淑人脫簪珥。具貲裝。勸其從師於千里之外。卒之領鄉書。升太學。三年之間。相厥左右。朝齏暮鹽。躬操井臼。未嘗有厭倦心。及其登進。士歷官通顯。翱翔兩京。名完行全。內外罔缺。多淑人贊助之力。是可謂賢矣。冕在襁褓。淑人已知其不凡。稍長。命就外傅。朝出暮歸。從容訓迪。一以規矩。既不過其勞。亦不使之懈。故冕悠悠進學。遂獲成就。克紹賢科。同榮京省。多淑人教訓之功。可不謂賢乎。予曩與侍郎同遊太學。往還最相厚。每造第。必出酒食。延款。相與講春秋。得意處。至夜分不休。復烹茗以助其興。始固以爲常事。終乃知淑人爲公延賓勵道而然。謂不賢而能。是不可也。於乎。樂羊以斷織成學。陶侃以剪髮就德。乃知無賢婦。則夫罔攸榮。無賢母。則子罔攸成。夫榮子成。淑人真賢矣哉。用致重膺紫誥。賁于厥躬。累食千鍾。備厥奉養。壽逾六袞。悠然以逝。盛福考終。宜無憾焉。蓋其賢行之食報也如此。予與侍郎爲青雲交。殆三十年于茲。同榜中人物存者無幾也。冕以淑人輓詩見示。撫今慨昔。義可默乎。因序而歸之。

